

康熙二十年冬天下學臣員缺吏
部列應陞部郎道府諸臣姓名以
進奉

旨九卿詹事科道會議具奏已而九卿
等卒如吏部議無異論者奉

旨依議于是禮部郎中高瓚奉

勅爲江西按察司僉事提督通省學政

臣璜恭讀

勅書始以士習未復文事未修爲慮終
以士風丕變爲期臣璜誠惶誠恐
竊念我

皇上崇儒尙學計遠慮周至于如此用

此以嚴學臣之選而臣璜猥以非
材濫預敢不敬蚤夜以求稱厥職
旣抵官之日熟視一切學政得失
重念君子之爲政也必因乎其時
度乎其勢徃時江西密邇大慝士
子避兵轉徙或連數城亡絃誦聲

爾時按學茲土者知其憔悴無聊
而其勢不可以有爲也是故一切
與之休息而士子亦相與安之茲
者恭值我

皇上武尅旣剛勵志以修文事江西雖
稍遠

京師而復莠悉除四野寧順勢非昔
比則所以復士習于旣靡變士風
于將壞者宜在今日誠不自揆謹
按學政條例從事其所當爲不敢
稍憚蓋其符檄移牒亦少密矣抑
豈好爲此勞勞者哉誠欲因其時

勢所宜敬效區區之愚悃以仰承
我

皇上勵志修文嚴選學臣之聖志于萬
一而特未知士習之果能遂復士
風之果能不變否也其文書具在
謹鏤板附校士錄以行世之君子

得以考焉

康熙二十一年十二月提督江西
通省學政按察使司僉事加三
級前翰林院庶吉士高璜謹序

西江學政

提督江西學政按察使司僉事高 爲嚴飭
規條以敷文教事照得士子爲四民之首學
校乃風化之原匡廬彭蠡之秀甲於天下理
學文章載在志乘常爲諸道最軍興以來或
罹兵燹或困轉輸恐廢業失時士氣未復今
幸海宇乂安

聖天子右文好學正多士奮興之會也本道恭膺

簡命視學西江綦嚴綦慎興賢育才是其專責敢
不精白一心以仰答

朝廷委任至意爰列規條用告多士務期恪遵砥
礪毋徒視爲具文如或誨爾諄諄聽我藐藐
三尺具存諒非爾多士所以自愛也至賢守
令有提調之任各教官有董率之司共襄厥
成尤有厚望臚次如左

一敦行誼

兩漢取士先賢良而後文學首孝弟而次力
田故治最近古得人最盛士子讀書明理貴
在身體力行卜子夏氏賢賢易色章可見禮
經儒行學記諸書先民矩矱自在也後世專
尚浮華遂有文人無行之譏心竊痛之諸生
旣自命爲儒務當恪守臥碑居家孝友持已
端方爲一鄉一邑之表率苟有卓然可稱者
本道職司教化訪聞最確不時破格旌獎以

樹風聲仍於歲科兩考超拔優等其或蕩檢
踰閑干犯名義秋實旣亡春華何有定當盡
法力挽頽流二程從十四歲時便銳然欲學
聖人顧諸生之立志何如耳

一勵廉隅

孔門論士首日行已有恥孟子亦曰人有不
爲也而後可以有爲聖賢豪傑皆從此出必
平素之持身不苟則他日之立朝可觀學者

自宜閉戶潛修吾愛吾鼎若其挾持武斷奔
走公庭致爲有司鄙恨鄉里患苦此則貽羞
庠序辱我衣冠害馬莠苗驅除不宥

一重實學

經史之書昭如日星修齊治平之道備矣我
國家取士之法經書宗傳註則宋之理學也表
判用俳偶則唐之聲律也發策問時務則漢
之對策也原欲學者含英咀華明體達用以

收得人之效自腐儒小生謂科名可捷得以
剽竊爲能事惟取一二制藝矻矻窮年撫拾
膚詞轉相倣倣甚有束髮受書以至白首專
經則章句纔分此外則茫無所識父子相承
師徒傳習人才之衰良可浩歎嗣後諸生宜
將經史性理諸書平時熟看細心體會講求
實用其於身心必有裨益昔人謂才學識缺
一不可蓋文章經濟同條共貫范文正倣秀

才時便以天下爲已任幼學壯行豈口耳誦
說云乎哉

一正文體

文章關乎國運自古言之文章之醇疵卽心
術邪正之辨也文章之高下卽人才盛衰之
效也昌黎廬陵論文最詳其言曰憂憂乎陳
言之務去又曰文之爲言難工而可喜易悅
而自足其於舉業亦猶是也士子作文宜昌

明博大原本六經要之於理準之以法而又
自出機杼獨寫性靈方爲有本之學如險澁
怪僻膚淺輕浮以及庸惡陋劣剿襲雷同各
爲等差擯棄黜革別有論文數則列後或亦
千慮之一得也

一禁私刻

文者載道之器六經四子如日月之經天江
河之行地歷代著作要以羽翼經傳爲上他

若莊老虛無申韓法律後世猶肆譏評著述
復何容易又如西京雜記天祿外史諸書一
時僞作貽悞無窮昔人極辨可爲明鑒至稗
官野史窗課社稿等久經嚴禁淫詞艷說尤
壞風俗本道素所痛恨敢有片紙刊行一經
訪聞嚴拿重究

一嚴黨與

聲應氣求講道論德切磋之功必賴師友然

合志同方要自有數潛修力學久而彌彰倘
有聚徒鼓衆百十成羣以懷刺爲名流角社
盟爲門戶顯干

功令競長浮囂定行按法提寃宋儒洛蜀東漢
俊厨識者猶或非之況其下焉者乎

一勤考覈

泮水爲儲才之地教官職司秉鐸其任至重
且與士子最爲親切苟能盡心獎誘德業交

修自必英賢輩出卓爾不羣近見居是官者
學宮任其墮壞課督寂然不聞甚至魚肉青
衿居奇罔利甚可鄙恨江右理學之區先正
流風未遠夫豈其然嗣後教官務將學宮加
意葺治每遇月朔集諸生於明倫堂講明倫
理闡發經書講畢仍問其一月內所習何書
所行何事其有孝弟著聞劣惡顯著者卽當
質之輿論庶優劣得情人知愧勵并許不時

密報以憑訪確勸懲本道所發月課題經書策論表判間出以收實學以覘真才通限文到半月內彙齊申送以憑研閱次第記冊發落視得卷之多寡定教育之怠勤昔先儒胡瑗課士條約至於天下頒行何榮如之教官爲人師長宜自愛重本道賦性硜執於賢否二字斷不輕爲假借也

一厚風俗

善善惡惡雖愚夫愚婦亦有同情旌別淑慝表厥宅里化導之權耳目所係如有潛德未彰則慮沮人善念間或循名失實尤懼污我典章本道謬官此土於風俗人心最爲加意一應名宦鄉賢該縣核實舉報毋得混濫至窮鄉僻壤編戶小民果有孝義節烈潛身味道可以風世者此乃正氣所鍾大非沽名飾譽者比該縣學尤宜細心察訪據實申報本

道大則詳請

督撫兩臺題獎次則執醕旌閭以示激勸爾多士復仁蹈義其身爲之倡焉

一絕黃緣

士子進取之路舍經明行修別無奇法雖淺才速化力學不售間亦有之然文章自有定評進退自有義命良玉不割必有相明者往見不肖生徒平居不以學問爲先遇考則以

鑽營爲事因而神棍撞歲得售其奸敗露株連呼號莫及玷辱家門殊可痛悼本道微倖雖早每思白首青燈之苦今謬典文衡誓必茹蘖飲冰申其素志况煌煌

勅諭如有干求請託許爾

奏聞瞻徇情面尤不敢出諸生各宜潛心力學靜聽考試毋爲奸棍煽惑倘仍蹈此轍噬臍貽悔矣

一培士氣

三代以來無不優遇生儒加隆庠序非私於士子也蓋以人知勸學則義理彰明教化易入其於

國家元氣關係非淺今

天子重道崇儒士子不許有司擅加杖辱屢奉

嚴綸煌煌

天語謹敢遵之本道受事以後諸生更當嚴加檢

束毋犯非義自貽伊戚其有被人告發情罪難寬者有司官申詳本道審實究革依律問擬斷不姑貸如光棍匪類誣陷善良飛噬儒懦審出反坐加等治罪

爲查修學宮以隆文治事照得學宮奉祀

先聖神靈所在廟貌宜嚴無論召伯甘棠禮宜
愛護卽使愚民觀瞻起敬則禮義之心自有
不覺其油然而生者默奪潛移所關非細以
時修整此誠司牧與秉鐸者之責也至於洒
掃焚香拂塵薙草教官身在學宮自宜嚴督
該役早晚恪恭將事乃有一等荒悖教官借
學校爲庄田置傾頽於不問甚有

聖殿兩廡扃鎖窮年絕不一窺者神位委之塵
土牆外卽爲糞壤蛛網遍空蒿萊滿目偶遇
上司謁

聖僅僅稍爲掃除一了故事塵坌穢惡所不忍
言嗟乎吾儒動輒目佛老爲異端如此景象
較之二氏之徒暮鼓晨鐘香煙縹緲者亦於
心有愧否本道自未第時深所痛恨今承乏
衡文合行通飭爲此仰府官吏速照來文事

理轉行各州縣學細查本府州縣學宮兵燹
之後有無頽壞或應量加葺治或須大費經
營或完整無虞止須塗飾核實分別呈報不
許畏於任事而隱匿坍塌不得妄異科歛而
捏稱毀敗果有應修應建斷當捐俸設法舉
行如彭澤縣呈修學宮本道現在捐貲勸輸
并牌行該縣學獎勵是其左券其有前項荒
悖教官縱容門斗學書懶惰作踐者或經府

縣揭報本道訪聞先拿門斗學書重寃教官
揭叅以洩神人之憤斷不姑容

爲查修學宮以隆文治事照得學宮重地奉
祀者

孔子講習者五倫此誠詩書禮樂之門更爲世
道人心所係不特紳衿誦讀典墳自應尊崇
愛護卽至負販小民愚夫愚婦若無倫理維
持幾何不爲禽獸飲水知源自當報本本道
下車之始卽通行所屬嚴查各府州縣學宮
有無頽壞檄令呈報修葺今據該縣學各詳

稱學官傾圯具述修造規畫可謂先得我心
但此項工料既不出之正供又難虧減物價
若無黠金之術勢非輸助不能除本道先發
捐俸銀兩稍備一椽之資該縣查收外因念
人之欲善誰不如我既已同在

聖門定各爲之動念况本道每見僧房道院布
施者積百盈千募化者隨呼隨應磚瓦木植
爭先分任殿堂寮舍竭力獨成踴躍歡趨不

以爲苦獨至吾

夫子殿廡傾頽而人皆掉臂不顧則試問自紳
衿以至市井小民之子弟所讀者誰氏之書
而無情若此反覆思之必無是理爲此仰縣
官吏照牌事理卽便出示曉諭闔邑人等倘
有情愿輸助者不論多寡皆可分肩若能竭
力急公尤爲吾儒生色此出人人自發之誠
並非勉強逼勒可得該縣仍將樂輸姓名銀

西江學政
數造冊報查落成之日許勒石鐫名用垂永
久須牌

爲嚴飭學政事照得西江理學之區先賢接
踵流風餘韻久而愈彰本道自束髮時深所
企慕昨奉

勅督學幸蒞此土山川人物得親炙焉竊慮兵燹
之餘士子不能安心肄業文氣尚未振興今
海宇奠安

聖天子崇尚儒學每

勅主司以得人爲首務卽本道啣

命而來既經

部議又令

廷推綦嚴綦重蓋自出國門之日誓必以逢拔真才維持風教爲已任此心已盟之天日矣雖本道忝以科第起家微倖太早而此中甘苦艱之甚悉但本道族係三韓應行事宜斷不托之空言必求見諸實效所有條約現在頒行并附論文數則在諸生或妄目爲套頭在

本道則字字從肺腑流出無非欲諸生於品行文章卓然有所樹立此本道造士之苦心也其一應鄉賢名宦節孝優劣雖寄耳目於教官本道仍虛懷密加察訪按臨考試一秉虛公請托苞苴奉有許爾

奏聞之

旨務使孤寒得進士氣稍伸諸生具有耳目於本道行事發案後自見至諸生禮門義路尤須

爲世表率動容中禮方爲儒者氣象本道下車之始行香講書意謂南昌省會之地士子雍容進退必有可觀乃子矜寥寥班行攬越言語誼譁毫無規紀甚有掣籤不到者見本道之簡脫如此則他處之縱肆可知視多士之傲慢如此則教官之怠荒可知其餘州縣儒學可以類推

朝廷設立教授教諭等名將何爲也除嚴拿該學

門斗責懲教官士子從寬記冊外合行通飭爲此仰府官吏照牌事理轉行各該縣學教官務須以教育二字爲念課士條約力爲奉行本道按臨之日未及觀其文行且先察其儀容語云容貌辭氣乃德之符毋徒視爲迂論敢有仍前怠玩教官定以溺職揭叅不恕

爲申明職掌以肅政體事照得

朝廷設官分職各有專司小大相維具有深意凡
得邀一命之榮各宜知典章所在固不容任
意妄行弁髦

國法也學道一官惟以文章風教爲事條例內
明開所屬府州縣提調各官凡關學政者例
得品覈賢否轉報舉劾縣正以上任內作興
學校者例應報奪名宦鄉賢孝子節婦及鄉

飲禮賓皆國之重典遇有呈請例得核實從前冒濫混雜者例得徑自查革生員凡緣事者承問官例應一面申詳若別衙門批允復學或問革者例應抄招呈詳非奉督學明文不得收復不得除名至於教官賢不肖尤屬學道責成遇有陞遷及會試等事故提調官例應詳委交盤明白申報批允方許離任如應聘及丁憂等項查無違碍例應一面申報

以上各件俱奉有

勅諭及條約事例煌煌

功令誰敢紊越乃本道蒞任以來案查舊卷江省各該屬竟有藐玩不遵以致紛紛駁詰者殊可駭異甚至教官有去來自如漫不呈報或有徑報藩司全不報道者在教官已不知督學爲何事在學道亦不知教官爲何人凡此等類於條例大相逕庭合行通飭爲此

仰府官吏照牌事理通行所屬縣學嗣後一應事宜務須恭照

勅諭及條例遵行應呈請者呈請應報奪者報奪其教官到任離任缺官署事俱看星速呈詳毋得玩愒本道惟知政體爲重斷不因循苟且自貽曠官之恥該提調官亦宜善相佐理其期有成慎之慎之

爲申嚴越次妄申以肅政體事照得

朝廷設官分職各有專司本道奉

命衡文江右所關學政無不加意釐剔今蒞任伊始檢查從前舊案其所申生員中有因睚眦小忿乃張大其詞控府控縣者有因通里條糧逋欠節年不清而歸咎于矜者不論事之虛實動輒越次申詳

院司各道衙門行移褫革迨至批行暫革寃

追事後歸結有具詳請復衣頂者閱其情由
詞訟則云牽連無辜抗糧則云族衆掛欠槩
將前情抹煞自相矛盾不勝詫訝更有批行
革頂之後經年累月竟不詳覆者其中情真
罪當申詳黜究夫復何言設使誣陷被視終
身蔽錮誠爲可憫除生員不無士林敗類本
道另行審訪提究外所有越次妄申合行嚴
飭爲此仰府官吏照牌事理即便轉行所屬

各縣如生員中有事係訟案及抗糧不完者
將原情據實詳道以憑查核分別覈革批行
究追如情關重大卽爲轉詳飭後倘不論事
之輕重仍越次妄申別衙門者定提該縣經
承究處整飭學校是本道耑任條約中已諄
諄告誡斷不爲之庇縱也仍取具各遵依繳
道查考毋違

爲月課事照得子衿佻達庠序之深恥一暴
十寒爲學之大戒本道於條約中已諄諄言
之矣今將發來五月分月課題目仰府官吏
密切封固轉行各該縣學教官於本月二十
日傳集諸生面加考試不許傳題以滋倩代
之弊試畢卽將各卷固封立差門斗解送本
道以憑校閱殿最果有學識明通文章卓越
者定與優獎仍將試卷刊行用爲程式如或

腐爛輕浮之習一時未能脫化速宜潛心發憤讀書另改手筆本道於半年之內姑從寬免記冊半年以外學不加進定當分別勸懲諸生毋得畏難自棄教官怠玩揭叅不恕該學仍行出示曉諭諸生可也

爲嚴禁私刻以正人心以維風俗事照得著書立說務期可法可傳有功世道如有一字未醇必致貽悞後學古人述作多在晚年正恐學識未精一或妄爲涉筆流禍浸淫所關非細近見淫詞邪說徧滿字內翻新出奇多屬穢誕導淫惑衆其病至深如果目識之無豈忍爲此倘已身登庠序尤爲罪人至若制藝爲風氣所趨士子揣摩奉爲繩尺人才因

以係焉自非具眼豈敢操觚西江自東鄉艾
子而外罕得當者乃有僞集惡劣之文妄刻
房行之選士子不知真贋一切視爲典型於
是字摹句倣汨沒性靈銷磨才智漸使學問
荒疎科名不振在書賈不過爲射利之謀於
世風日切有江河之懼良可痛悼他如稗官
野史有干

功令此尤身命所關除頒條約外合行嚴禁爲

此示仰闔屬人等知悉如有前項穢誕諸書
卽行焚燬不許濫售刊行稗官野史窓課社
稿務遵學政禁止敢有仍前混編刊賣一經
訪聞將編造之人并坊賈一并嚴拿重究不
貸特示

爲查取誌書憲綱事照得誌書憲綱係通邑山川人物賦役戶口利病興革之總官斯土者例得採取以備稽考况本道職典文衡觀風問俗是其專司合亟查取爲此仰府官吏照牌事理轉行各該縣卽將誌書購求完整星速送道以憑查覽憲綱冊悉照學政全書舊例逐項明白填造一併申送毋得遲違

爲歲考事照得學校例舉優劣所以示激揚
勵風俗也每見教官徇私妄報以

國法之勸懲佐一己之喜怒顛倒是非朦混申
送優者旣未足以加榮劣者亦安得爲示辱
賞罰失真人心怨憤其於激勸之意反若冰
炭本道素爲扼腕今下車之始務以端士習
爲先爲此仰府官吏照牌事理即便轉行各
縣及各學嚴查該學某生行優有何德行某

生行劣有何過愆務必據實開報先期呈送
聽候本道按臨之日分別舉行倘有通糧富
盜把持訐訕種種不法該教官聞見果真不
妨虛公填報以憑審究如隱匿不舉有優
劣及開載不實定行駁查外該教官以不
揭參毋得藐視以致噬臍須臾

爲頒發稽查門簿以端士習事照得士子身
列官牆

朝廷優以廩餼加之禮貌無非爲其誦習聖賢講
明義理儲育人才有關治化也爲士子者更
當鍵戶下帷自愛自重使有司起敬閭里取
法方爲學校生色乃一隄一邑之中謹飭者
固不乏人好事者亦復不少視胥吏若弟兄
結輿臺爲心腹蠅營狗苟匍匐公庭致使守

令有輕視庠序之心鄉黨有患苦子矜之態
異端日盛儒學日壞士子反之清夜良心誰
使至此亦於心安乎否耶除條約通飭外合
行稽查爲此仰府縣官吏着令經承每日輪
值一名將循環簿登記但有文武生員出入
者不拘某事進見或某日原被告干証逐一
登記姓名填註簡明情節按季繳道以憑查
核照

禮部題定事例嚴行懲戒至於監生奉
前撫院安牌行 藩司條陳事理在案合併
詳記登冊報

院倘有隱匿混註查出定將管簿該役提究
衣頂奉祀贊禮之生倘有進見不必登簿待
季總繳卽便另文申究均毋違錯取咎須至
門簿者

爲特立同庠公舉之法以敦士行以正紀綱
事照得生員優劣風化所關爾江右素稱禮
義名邦前賢輩出其中優行之士愛惜羽毛
者固多而自恃青衿鳴張其性者亦有本道
一出都門卽知西江兵燹之後士風敗壞已
極及下車之初拆閱得東鄉縣申詳生員王
如桂武生梁斌等武斷把持穢污卽官緣由
卽批行該府究報又閱各屬復還衣頂各申

檢查舊案有健訟抗糧辱官虐民擅遞公呈
諸不法事案帙盈几查條約內開生員有事
不干已輒便出入衙門乞恩罔利議論官員
賢否者卽以行止有虧革退本道到任以來
已申嚴門簿填報并行該府查取優劣矣但
恐各教官徇情惜面匿不舉報今再立互相
覺察之法其諸生居同里閑者某爲端人正
士某爲好事匪類此中情實知之必詳行劣

行優鄉評最確非如教官寄耳目於門斗府
縣採輿論於風聞也嗣後里中有一劣矜許
同里諸生公赴學官呈明轉詳黜革如該學
徇庇不行申詳聽諸生於放告日期竟赴本
道衙門公舉劣生寃革教官揭叅如同里諸
生徇情不舉或劣生事發或本道訪聞定行
該學戒飭仍行記冊俟考定奪此非本道故
爲苛求蓋去其敗羣之馬芟其害稼之苗禮

門義路爲諸生自固藩籬毋使人攻其隙而指其瑕則士體自隆學校自重諸生中讀書有識者諒能洞悉本道此段苦衷各宜砥礪切磋共歸於正庶不負諄諄訓誨至意合檄飭行爲此仰府官吏卽便通行所屬各縣及各學教官出示曉諭諸生務須彼此規戒自敦士體如有不肖子矜劣蹟顯著者許同里生員連名具呈將實情赴該學呈明該學仍

具揭轉繳府縣察確具揭差賁赴道以憑分別獎懲如隱匿不舉別有發覺教官各生一體叅處萬毋視爲套語遵之慎之

爲慎核實否以重

計典事照得三年

計最

國典攸關必期是非確當然後人無怨恫查教
職一官品秩最早但司訓迪重無刑名錢穀
之任且其中多由歲貢出身歷久者食餼三
十餘年最少亦不下一二十載嗟彼白首青
燈僅博此區區苜蓿命之不猶良可浩嘆果

其文行悖謬不堪師表斷不得以宮牆爲養
好之地若或齒雖遲暮而品足羽儀年就衰
顏而才堪模楷老成典型一切以龔黷加之
殊爲可惜今本道蒞任之初卽值奉行
計典地方遼濶接見未周何從知其底裏勢不
得不責成守令寄之耳目守令共事有年旣
已悉其淺深自宜虛公開報蓋上之爲

朝廷黜陟所關固不可以徇私曲筆下之卽士人

功名之路亦豈容以睚眦亂眞人心不甚相
遠想亦賢守令之所不出也除一面密行體
訪外合檄飭行爲此仰府官吏卽便通行所
屬速遵先令牌行事理將教官事實逐一開
報務必一秉虛公該府仍細加察訪果無挾
私曲筆情弊呈速呈道以憑覆核造冊節准
兩司移催毋更泄視速速

爲興舉義學以便窮民事照得江省人文甲
於天下鵲湖鹿洞盡在此邦前明二百數十
年間臚傳接踵理學文章由來劇盛近因兵
燹之後滿目榛蕪在宦家故族尚能世守詩
書嗟此編戶窮民豈不知讀書上進有光顯
祖宗之樂無如欲延師課子而修脯饔飧計
無所出勢不得不任其遊蕩遂使絃歌日少
賈豎日多俊秀子弟並皆汨沒本道職掌文

西江學政
衡安得不爲動念爲此仰南昌府官吏照票
事理即便轉行南新二縣將城內社學舊址
清查報道毋許豪強隱占以憑設法蓋造義
學捐俸延師訓我窮民子弟務使教化大興
家絃戶誦俟有成法然後頒行各屬次第舉
行此係爲民至意毋使胥吏借端生事仍行
出示通衢曉諭可也

爲嚴禁誣告以遏刁風事照得江右文章理
學素號典型士習民風宜乎醇樸昨本道下
車之始紛紛具控有生員告百姓者有百姓
告生員者亦有生員彼此互結者粘款粘單
累累不一大抵滿紙捏駕甚且以市井一詞
牽告子矜至十三人其刁頑健訟已見一斑
矣尤可異者仇讐奔控十之二三骨肉構釁
十之八九玷辱家門貽羞宗祖豈得謂風俗

之美乎本道披閱之下不勝心寒髮指合行
嚴禁爲此示仰闔屬士民知悉生員各宜閉
戶潛修力敦孝弟其有曾經被訐者各宜自
反務求無愧於心完璧者各宜自愛惟恐或
罹於法如有負本道諄諄告戒愛養一片苦
心壞我名教加等治罪百姓人等亦宜雍睦
廉讓畧懲小忿善保身家倘仍前飛噬誣控
卽仰該縣嚴拿解究懲一儆百斷不姑徇爾

等其試觀之特示

爲曉諭訟棍略存良心以挽頽俗事照得民間衣食之計士農工賈皆可謀生卽至肩挑背負亦可日進分文贍其父母妻子此皆本分生涯並不有傷天理一般吃飯穿衣未見其盡爲餓莩也至於人所鄙賤莫如乞丐然此輩日則求討街坊夜則僵臥廟宇事雖可羞躡實安枕獨至訟棍一項以起滅詞訟爲能以教唆誣捏爲事甚而污讎閨門構鬪骨

肉慣興平地之波善駕瞞天之謊小則荒人
職業破人身家大則傾人性命壞人名節彼
方且洋洋得意以爲非我莫能不知其狼心
狗肺中亦想及天地神明否亦想及祖父子
孫否亦想及官法如爐否一旦發覺被官府
拿來打苑但有稱快並無憐憫者想到此際
何苦而不改業耶本道蒞任以來見紛紛詞
狀粘欵粘單其中污衊駕捏所不忍言大抵

皆叔伯子弟宗族互相訐告者亦有告人之
夫而以其妻爲證者知皆訟棍所爲日夜爲
之切齒除已密行訪拿并頒示狀式外合行
出示曉諭爲此示仰闔屬訟棍知悉爾等各
有良心宜將本道曉諭細心熟看速行改業
如或一時未能仍欲代書糊口亦須據事直
書不得逞其刁筆肆行捏砌遇有宗族骨肉
構爭尤宜善言勸解消得一張詞狀卽是一

黠陰功昔人云公門裡面好修行何地不可
爲善倘決不猛省有負本道諄諄勸化一片
苦心仍前猖狂無忌事犯本衙門之日輕則
徑自枷責重則詳解

督撫兩憲轅門處死勦除虎狼安我良善斷不
食言特示

爲嚴禁粘單牽告以遏刁誣事照得粘款刷
黃久已嚴禁本道職司學校並非親民之官
乃每經公出動輒攀輿一控不准至再至三
甚而粘款數十牽害多人閱其情詞若不容
於天地究其實蹟一派盡屬荒唐此時被誣
者雖已昭雪誣告者雖甘寸磔而貽累多人
廢時失業卽官府之案牘如山胥役之奔走
不暇皆因刁民一紙之虛詞以致盡作滿場

之傀儡閱填舊案略見一斑本道每一念及輒爲髮指合行出示嚴飭爲此示仰闔屬士民人等知悉嗣後果有冤抑無伸及事關學校者許將情事據實直書於日期投告更不許於所告之外另粘款單別生枝節至於所告之人不許牽連至三名以外并以婦女爲證其鄉愚不能書者狀內須填代書人姓名并住址何處外府州縣士民具控必開明歇家某人現住某處逐一合式方與准理示後如敢故違瀆控及仍粘款單牽告多人除不准外卽刻究責各宜凜遵毋得以身試法特示

爲嚴清冒籍澄汰汙賤以肅學政以重斯文
事照得冒籍一項屢奉

嚴繪議革議罪歷有

部案功名有數遲速有時才果辟易千人隨
地皆可脫穎而出士子進身之初何苦卽干
憲網至於倡優奴隸不得濫廁衣冠所以尊
朝廷重名教也若一時失察玷厠宮牆使我縉紳
子弟宿士俊髦與之比肩揖讓稍有廉隅者

幾何不爲之喪氣世道儒風所關非淺本道
按臨考試惟以府縣呈送冊籍爲憑按本塞
源必由縣始除前已檄行考試外合再飭行
爲此仰府官吏照票事理卽便通行所屬州
縣如有前項冒籍及倡優奴隸務須徹底清
查不許混行取送以干

功令以玷聖賢仍具遵依繳查毋得違悞須票

爲禁約事照得冒籍一項屢奉

功令嚴禁本道下車之初卽已牌行府縣嚴加
搜剔然猶恐有私自竄名者故於考試童生
日特令保結廩生於本道公座兩傍站立識
認遇有冒籍稟明扶出立法至密纖悉難逃
斷無闌入之弊乃訪得江省惡習向有攻打
冒籍之俗拳棍紛紜喧嘩雜沓不特日無
憲體深爲可惡抑且律法情理均有未明蓋

西江學政
攻冒籍與打冒籍不同其人果係冒籍攻之
使不與試可也乃必使其飽我毒手輕則身
受重傷重則竟至隕命獨不思人命至重雖
兇身強盜尚且覆讎再三矜疑慎重彼冒籍
者不過孤寒之士急於進取理無可殺之罪
律無應死之條而顧令名未列於青衿身已
歸於黃土試各返之於心當亦有所未服也
合行嚴禁爲此示仰該府屬生童知悉本道

考試童生惟以提調官冊籍爲憑原非攻冒
籍之所况已檄諭各廩生站立兩傍識認爲
法至密敢有仍以攻冒籍爲名在於本道考
場門首拳棍紛紜喧嘩雜沓者許巡捕員役
軍牢人等協力擒稟審係生員卽行黜革童
生重責閑雜人等枷號示衆試竣發落各宜
凜遵毋貽後悔

爲嚴飭武生讀書以收人才以儲名將事照
得

國家取士文武並重鹿鳴鷹揚二宴分隸

禮兵二部初未嘗有所軒輊然而市井小人
平居則目之曰武生告訐則動稱爲武憊此
雖細民無知之語而揆厥所由亦武生之不
自奮勵也夫人之所以薄武生者以其目不
識丁粗豪暴厲耳本道試舉一二名將爲爾

西江學記
等言之馮異之謙退不伐祭遵之雅歌投壺
不聞以粗豪暴厲爲妙也杜征南自註左傳
呂子明刮目相待不聞以目不識丁爲高也
卽

朝廷試武試其弓馬膂力耳未嘗許其粗豪暴厲
也豈騎射熟嫻膂力出衆者斷應奮拳攘臂
羣聚毆打乎試其策論韜畧耳未嘗許其目
不識丁也豈搦弓挾矢橫稍躍馬者斷應不

知筆墨爲何物書卷爲何事乎總之人必自
侮而後人侮之爾武生果能騎射精工兼之
通曉書史潛心筆墨而又恂恂儒雅絕無趕
赴之態自然鄉黨愛之儒士親之有司敬之
以此求名何名不成以此交人何人不服諸
生試自思之此時尚有人敢以武生鄙之薄
之否本道於文武諸生視同一體故不覺諄
諄勸諭爲此仰府官吏照牌事理轉行所屬

各州縣學出示曉諭武生員知悉示後諸生
宜各努力自奮講武之暇潛心讀書并不許
出入衙門結黨鬪毆如有弓馬超羣又深通
文翰者許將平時所作策論等項呈送教官
附月課卷轉繳本道以憑面試捐俸獎賞比
食餼之意其有仍前自棄糾黨橫行包攬武
斷者一經告發加等治罪各宜凜遵毋忽

爲通飭早完公務以省案牘事照得爲政之
體貴以清靜爲先昔人鳴琴而理單父高臥
以治淮陽賢守賢令並爲美談卽或煩劇難
爲長才自能游刃若使簿案如山呼而不應
此甚非所以展驥足也本道所司考校而外
並無他事一應民詞概不准理倘有事關學
政萬不得已方與就近批查人無跋涉守候
之勞吏無隔屬提解之碍是非曲直一問而

知此詞訟之易結者也至於租穀缺俸爲數無多俱關報

部

奏銷大者不過數十少者僅僅數金一經批解便可全完非如地丁銀米積萬累千難以一時清楚此錢糧之易結者也乃本道披閱舊案江省奉公迅結者固多因循怠玩者亦復不少甚有租穀缺俸絲毫不解者於督學有

院司移檄之煩視該縣亦有道府催提之苦如果事屬掣肘猶爲情有可原若其力所能爲何苦多煩筆舌况完一事卽少一事之掛牽了一重卽省數重之瑣屑人有同心本道之言及此有識定當首肯本道賦性硜執雖不敢自謂雷厲風行亦必期案無留牘賢守令誼切同舟豈得爲之坐視不相贊助乎合行通飭爲此仰府官吏查照飭催事理卽轉

行各縣及學一體遵照毋違

爲核舉鄉賢名宦以重祀典事照得鄉賢名
宦一則老成之典型一則甘棠之惠愛清議
鄉評久而益定然春秋之義善善長而惡惡
短彼其狐裘羔袖列祀宮牆猶不失與人爲
善至意若使文章德行炳然可傳

國計民瘼盡心釐剔乃蹉跎歲月未薦馨香應
舉不舉尤非所以妥先賢之靈而厭輿論也
爲此仰府官吏照票事理即便通行所屬州

西江學政
縣確查應舉名宦鄉賢姓名籍貫開具事實
於本道按臨該府下馬日呈送以憑徧訪士
民詳加查核務必衆議僉同然後無慚禮祀
仍不得冒濫遺漏致干駁詰未便

爲勸懲鄉約以勵頽俗事照得西江理學之
地風俗宜淳乃本道下車以來惟見其刁頑
健訟鬪毆小事動輒攀輿瀆控不休至三至
再甚而叔伯訐其子弟卑幼亦誦其父兄且
有告人之夫而以其妻爲証者恬然行之不
以爲怪風俗至此豈特爲民牧者之懼抑亦
世道人心之憂也若不急挽頽流將來何所
底止爲此仰府官吏照牌事理即便通行所

屬州縣速將各鄉約址所及約正副姓名報
查每月朔望嚴督鄉約正副傳集鄉民講明
上諭并於孝友二字細細闡發務使愚民通曉平
時之化導既深臨事之乖張自少該縣果能
着實舉行本道定行揭薦清夜鐘聲提撕不
淺毋徒視爲迂論也

爲實行鄉飲大典以振頽風事照得鄉飲之
禮所以興仁講讓三代以來未之有改乃江
省各屬所送憲綱多云無足稱者或云久未
舉行夫鄉飲之禮所以勸善人非所以寵賢
人也十室之邑必有忠信

先聖明訓豈其或誣若使四境絕無善人不識
該縣何以爲邑推其隱衷蓋亦有故往日舉
報鄉飲多緣胥吏因緣爲奸舉富遺貧鄉評

不服而且胥吏有酬里保有謝官府有獻三
爵之禮未終一廛之貲已盡所以窮民吏胥
不報富戶如逃寇仇

朝廷命縣官禮請之意謂何乃竟以報克里長之
法行之宜其求免而不出也獨不思餽羊之
禮一亡觀感之心遂熄獄訟繁興風俗日敝
爲民上者更何所藉以神其鼓舞之權乎合
行通飭爲此仰府官吏照牌事理即便通行

所屬州縣平日務須留心察訪四境之內如
有朴誠謹厚行誼無過鄉里推服者密加詳
核臨時徑自親詣禮請一則胥吏不得居功
射利二則小民見邑令所舉神明自然爭勸
爲善其於風化必有裨益仍各具所舉實介
姓名籍貫事實報核慎無因循怠玩致干未
便

爲訪舉節孝以維名教事照得立懦廉頑端
在移風易俗然欲使斯民有鼓舞之樂則不
得不藉此獎勸之權草偃風行實非迂務况
乎節孝乃正氣所鍾戢矢堅貞之操而茹蘖
終身或負曾閔之行而辛勤沒世乃窮民無
告州縣畏煩吏胥鮮阿堵之利學校無聲氣
之求於是概以無字了之嗟嗟閭里能道其
高風旌表弗加於

爲訪舉節孝以維名教事照得立懦廉頑端
在移風易俗然欲使斯民有鼓舞之樂則不
得不藉此獎勸之權草偃風行實非迂務况
乎節孝乃正氣所鍾戢矢堅貞之操而茹蘖
終身或負曾閔之行而辛勤沒世乃窮民無
告州縣畏煩吏胥鮮阿堵之利學校無聲氣
之求於是概以無字了之嗟嗟閭里能道其
高風旌表弗加於

聖代無論無以誘掖愚民設鬼而有知不識怨將
誰歸也爲此仰府官吏照牌事理即便通行
所屬州縣示諭各里保人等知悉務將本里
未舉節孝開具籍貫姓名確實事蹟并現存
已故呈縣候本道按臨該府下馬日申送以
憑核奪大則轉揭

督撫

兩憲題旌次則給匾示獎其有大胆里保
胥吏遺漏賄濫者本道訪得嚴拿重處斷不

輕宥

嚴查贊禮奉祠各生以重名器事照得衣頂
係

朝廷名器不容濫給匪人其年老告致者念其畢
生攻苦年逼頽齡

聖天子憐彼白首青燈准與作養載在條例歷屆
遵行至於贊禮奉祠不過量結數名以供奔
走奉先賢而已乃往往竊其子衿之名恣其
蚕食之技出入衙門武斷鄉曲尤可痛恨爲

此仰府官吏卽便通行各該學教官速將見
在贊禮奉祠社學等生開明奉何學道批給
守何先賢祠墓逐一造冊申報以憑核奪毋
致冒濫速速

爲招墾荒田以足租課事照得開闢污萊爲
政之急務招集離散循吏之苦心江省寇亂
以來民生窮蹙田畝拋荒安集哀鴻賴我守
令乃本道披閱舊卷各屬學田咸稱十三年
以後盡屬石田無從招墾獨不思普天莫非
王土升斗悉屬正供倘爲民上者以荒報熟
害及小民異有限之功名種無窮之賠累此
則稍有人心者不爲若或田有可闢地非不

西清學政
毛畏其微解之煩任以荒蕪塞責竊恐三尺
得議其後亦非循良之美績也合行通飭爲
此仰府官吏照票事理卽便通行所屬各縣
將十三年以後拋荒之田已墾者具冊報查
未墾者速行設法招墾毋得仍前泄玩致干
未便仍具遵依繳查毋違須票

爲嚴禁指名科歛以革積弊以甦民困事照
得江省自滇黔閩粵倡亂之後羣盜滿山近
今雖獲安堵而十年以來羽檄交馳轉輸不
絕流亡載道徧地瘡痍非賴良有司加意撫
綏元氣何由而復乃訪得歷來歲科考試巡
歷諸郡各屬吏胥里蠹例以搭蓋篷廠備辦
供應爲名每里每甲科歛銀兩此等一絲一
粟非賣兒貼婦之錢卽剗肉醫瘡之舉哀此

窮民甫離湯火而又遭霜雪是終無求生之路矣合行嚴禁爲此仰府官吏照牌事理即便通行所屬本道按臨各屬考試士子連場校閱極爲迅速其篷廠止據舊日見在者量加修葺取蔽風雨應用桌凳等項悉照往例借辦事畢照冊發還日用蔬菜俱係本道先發現銀該縣撥役買送並無擾累地方敢有胥吏里蠹指稱前項名色橫派里民者一經

訪聞或被告發立拿重處該縣務須不時覺察痛革前弊仍先取具遵依報查毋違

爲月課事照得江省人文之藪雖經兵燹旋
卽安堵宜乎絃誦之風與日俱進乃本道披
閱各學文字卑庸已甚此必教官學識平平
素日講求如此所以人才掩而不出合行設
法考核爲此仰府官吏照票事理卽通行所
屬各學其諸生五月內月課文字除已解道
外其未解送者仰該教官卽行評閱次第然
後呈覽本道據此卽可視教官之學識以爲

殿最勸懲各宜凜遵毋得怠玩

示爲曉諭事照得本道披閱該學所送諸生
文字雖惡習相沿其中亦頗有一二思自振
拔改易手筆者然大家之文並皆原本經術
有才有識但用古人之意不襲古人之言若
以經語綴集成文尤屬魔境此不過掇拾成
語以自文其固陋諸生反而思之其於義理
亦曾有所貫穿發明否大抵有本領文字學
識未克一時斷難襲取諸生須融會書理講

明五經先將油腔滑調盡行刪去再取正希
大士制藝及先輩大家文細細讀之研窮不
輟必有自得之處以漸而進毋畏難自棄也
特諭

爲特寬月課之程以收實效事照得制科取
士原以羅天下之真才儲棟梁之大用務期
學識明通乃爲讀書有益前於條約論文中
已諄諄言之矣無如習氣相沿空疎油滑近
見月課諸作餽飣惡習牢不可破受病旣深
起衰何易此固非若李光弼入郭子儀軍中
壁壘旌旗可以一時立變也爾江右於古文
則歐陽曾王於制藝則章陳羅艾皆能自成

一家得之不朽何代無才但須潛心力學耳
本道於諸生職司教育誼實師生惟其愛之
至深是以誨之甚切他人或但憑一日之丹
黃本道則專覈平時之優劣蓋以士子風簷
寸畧之下間亦有脫穎而出者究竟一則束
縛於規條再則繫心於榮辱旣懷一時之得
失必有一日之短長若夫明窓靜几前無督
責之嚴後無時日之迫筆墨精良卷舒由我

然後神遊題外意在筆先此真行文之樂地
而諸生得展其才具之時其於試場何啻倍
蓰恐或政如束濕反致難事改絃故特酌寬
限期責其後效爲此仰府官吏卽將發來七
八九三月題目卽便通行各學教官徧諭諸
生各抒匠心之作按季彙繳庶得加意揣摩
獨開生面本道三年任內俱照此例遵行果
有出類之才定加國士之遇所取文字仍當

刊爲程式質之公卿相與有成是其素願其
童生有才者亦許附呈數卷以候品題該教
官仍將生童所繳文字批點甲乙然後呈道
本道卽多士之後先觀教官之識力興起者
多斯爲無慚秉鐸至於本道立按季彙繳之
法無非曲就人情旣便士子之鑽研又省解
役之跋涉該教官必須着實遵行季內如期
解送倘解卷踰期及寥寥以數卷塞責定先

提該學門斗重責教官揭叅不恕須牌

爲興舉義學以便窮民事照得江省人文甲

於天下自寇亂以來所屬十三府七十八州
縣滿目榛蕪半經兵燹在縉紳子弟或能世
守一經不廢誦讀窮民饔飧不給豈能束脯
延師遂使賈豎日多絃歌日少本道忝竊衡
文安得不爲動念除前已先行南昌府轉行
南新二縣現將城內社學舊址徹底清查報
道以憑設法蓋造捐俸延師外俟有成法次

第頒行各屬今據該縣呈詳前來可謂人有
同心能以教化爲先便非俗吏舉動但政貴
有恒欲速不達該縣既創於始自必圖維厥
終務使民知向學俗尚禮義雖文翁化蜀何
以加焉仍將本道嚴飭該府轉行各條件看
實舉行相與有成豈非佳話廩生吳士龍若
果經明行修自可當臯比一席但須盡心教
誨啓發童蒙不得悞人子弟以負邑令委任

至意本道生平頗以朴誠自許凡有規畫必
期見諸實效不欲空言粉飾整飭之初該縣
義學苟能彬彬可觀何難頒爲正鵠仍須廣
爲鼓舞日盛一日方爲有益發來條約二本
一存該縣一付吳生詳閱仍着具塾規呈報
按臨之日核實獎賞如或侈言無驗諒非該
縣所樂聞也

爲特旌孝子事照得學校所重孝弟爲先本
道職掌文衡忝司風化若不明示勸懲何由
還淳返樸寧都縣學已故生員魏世傑因父
爲賊殺搥胸嘔血而亡哀感路人尤稱死孝
此非可以毀不滅性創之也在三之義薄俗
漸衰宜亟表章用爲鼓勵爲此仰贛州府卽
便轉行寧都縣將發來銜式製造堅緻扁額
鼓樂送致本宅并動支學租銀兩給付其家

存恤孤寡嗟乎禮雖加於幽壤教實在于生

民立即遵行取領于

本道按臨該府日報銷毋忽

爲表揚烈婦以裨風化事照得風俗之敝也
上無化導之權斯下乏振興之意閭里見聞
無從倣倣彛常之道由此而乖前據該府所
詳烈婦徐珍秀常稽顙泣夫靈而祈同穴亦
切齒恨隣婦之有二天立意較然竟行其志
本道業爲詳請

題旌有云徐珍秀閨闈弱質志竝堅綱巾幗柔
安心同匪石當其晝哭之三年早決夜臺之

一死而乃孤女始孩夫喪未畢忍延歷歲始
遂初心爰及聲先益棺之期用爲烈婦報夫
之目九原攜手快全同穴之盟四載結縭酬
以投繯之節從容不迫尤世所難褒獎宜加
俾人知勸此非謂寡婦之義斷以從死爲高
亦欲使再醮之流庶幾聞而知愧合先給卹
獎異爲此仰府官吏照牌事理卽便轉行高
安縣將發來銀兩照依扁式字樣製造限三

日內差役并給鼓樂賫送本宅以示風勵遠
邇傳聞諒爲鼓動貞魂旣慰薄俗宜更或亦
珍秀切齒隣婦二天之意也遵行速速

爲曉諭事照得本道日用薪米蔬菜及動用
一草一木俱係先發紋銀照時平買並不虧
減市價賒取絲毫久經牌示今按臨各府不
日起馬誠恐胥役人等指稱本道名色在於
各行舖支取物件或抑勒價值行舖不知真
僞翹颺得售其奸合行曉諭爲此示仰各行
舖人等知悉如有前項情弊卽時赴本衙門
喊稟以憑嚴究毋得畏懼瞻徇

一草一木出於我手發於我口
斯中仍須知絲毫入聖賢示今
外關者

爲嚴飭舖司飛遞公文以免違悞公務事照
得舖司傳遞公文例應晝夜兼程不得遲延
稽悞乃案查前道任內各屬申詳舖司沉擱
遲悞緣由累累在卷深可痛恨今奉道奉
勅前往各府考試一應公文往來動關緊要學政
不容稽延時刻況值

督撫

兩憲下車之始法令嚴明事事釐剔凡

計典奏銷各冊俱有

西江學政
部限查駁行移所係不小倘有違悞稽延此時咎將誰任合行嚴飭爲此仰府官吏照票事理卽便轉行各縣出示嚴諭所屬各舖司兵知悉嗣後上下公文無分晝夜星飛傳遞敢有遲悞定行查究不貸

爲歲考事照得本道按臨考試衡文重地法紀宜嚴所有規條合行頒示生童及考場內外一應職事員役一體遵行敢有故違定依法重究不貸今將條規逐一開列於後

計開

一試日漏下五鼓場內發頭點場外接鼓吹
一通外巡兵壯放炮一聲生童各自整理
筆硯檢點一切試場應用之物內發二點

外接鼓吹一通兵壯放炮二聲生童齊集
執牌人役將生童照次朗朗擺齊內發三
點外接鼓吹一通兵壯放炮三聲伺候開
門聽點生童預須認牌序進不許擁擠喧
譁妄行越次違者生員以犯規論童生扶
出執牌人役重責

一試日漏下五鼓巡捕官照例帶領民壯候
本道開門至儀門外兩傍站立先將內職

事人役搜檢點進次生童隨牌聽點縣提
調官照例查照手冊於頭門外點名隨牌
引至儀門外魚貫序立搜檢官連唱仔細
搜檢兩班齊應二人對搜一人府提調官
點名仍令同列辯認互相覺察如有懷挾
片紙隻字及金銀等物或冒籍頂名代考
者生童照律例問罪枷號搜獲員役及舉
首人重行獎賞執照進牌人役引各生至

西江學政
公座前聽點內搜檢軍壯覆搜若搜出情
弊內搜檢員役破格獎賞外搜檢員役究
贓治罪

一試日唱名散卷生童高聲答應認明坐號
東西分路各歸號席靜聽試題敢有領卷
後往來行走不歸號席及出題後吟哦出
席交頭接耳者定行究責

一凡考試童生日該縣保結廩生俱各公服

伺候本道開門先進見畢站立公座兩傍
本道點至所保童生名字務須高聲答應
廩生某人保如有冒籍頂名代考諸弊混
填廩生名字許卽稟明嚴究點完本縣童
生卽行辭出如有容隱一體連坐

一試日職事員役場內止用巡捕官一員教
官二員唱名寫題散卷收卷吏四名并瞭
望等役在場肅敬職事不許誼譁以亂文

思其餘俱在場外伺候敢有混入定以傳遞拿究

一瞭望各役務須細心瞭望覺察見有懷挾傳遞換卷移席犯規等弊認定面貌高唱某字號第幾桌生童犯規鳴鑼一下卽同巡捕官將犯規生童帶稟生童依法重究瞭望役破格獎賞如舉報不實及徇隱不舉加等治罪

一試日出題後教官先將題目東西分路高聲朗誦一遍東下西上西下東上寫題完執牌人役將題目牌於甬道挨次上下行走生童熟視點畫其有短視者許立稟教官傳牌細看如擅行出號以犯規論

一試日已時後方許生童飲茶出恭飲茶者帶卷上堂趨引茶桌東坐者放卷於桌之東西坐者放卷於桌之西司茶吏卽飲茶

二字飲畢領卷復位出恭者趨出恭桌亦各東西放卷執出恭牌由甬道中行司恭吏印出恭二字恭畢領卷復位二人不許並出偶有並出稍後者於甬路拱立待先者復位始行攙亂者及不交卷不領牌不由中行者候恭候茶並立接談者俱印犯規二字飲茶出恭止許一次重出者不准卷面仍印犯規二字有一人交卷卽撤去

飲茶出恭桌不許飲茶出恭

一試日未時堂上巡綽官擊雲板三聲呼快膳眞申時堂上擊雲板四聲呼快交卷申未堂上擊雲板五聲不論已未膳完俱交卷不交者收卷扶出決不給燭巡綽官務要依時擊點不許亂擊以混聽聞

一試日點放三鏡後把柵欄人役大開柵欄聽生童挨次行走以免擁擠之害如有不

帶筆硯供給等項擅入柵欄者卽係閑人該役立行扭稟枷責其封門後務須嚴守柵欄敢容一人闖入定將該役重責板如有送考人等捏作生童假帶筆硯擅入柵欄擁擠者嚴拿枷責

一巡捕員役於考場周圍墻垣務要晝夜巡邏考期更加嚴緝如有閑雜人等在外窺探飛磚擲瓦者立刻鎖拿送究巡捕員役

破格獎賞如有賄縱加等治罪

一凡遞到公文除應考文批冊籍許巡捕官仔細驗明投進其餘一槩俱赴該縣投收試竣繳查如有假托公文冒投私牘者解憲題叅

一凡本道按臨一應蔬菜俱先發現銀該縣平買柴米五日一送其日用供給等項天氣暑熱每日於二鼓送進巡捕官細加搜

檢敢有疎縱夾帶從重治罪

一生童考後靜聽發案敢有挾仇懷忌捏造
訛言希圖中傷善類者嚴拿枷示

爲預發供給銀兩事照得考試大典案查前
道場中日用米薪等項舊例俱係該縣備送
但此項銀兩旣不派之於民則必出之於官
西江兵荒之後支應浩繁本道念切民瘼固
未忍困我窮民亦安肯累我廉吏爲此仰縣
官吏卽將發來銀兩并買辦簿撥發買辦人
役每日照票辦送十日之後再行續發此係
本道誠心該縣毋得視爲文飾

云

云

爲嚴拿奸棍事照得本道家世三韓執法最
嚴憐才最切茲得奉
命衡文自幸酬其素志按臨考校一秉虛公所有
生童試卷並皆親自披閱甲乙次第俱係暗
中摸索至於交遊請托現奉
勅諭許得徑自

奏聞若欲阻士子之功名敗生平之名節顯違
功令陰奉干求不特此心何忍亦且至愚不爲

勅諭許得徑自

勅諭許得徑自

奏聞若欲阻士子之功名敗生平之名節顯違
功令陰奉干求不特此心何忍亦且至愚不爲

乃訪得江省神棍每遇學道按臨奸詭百出
招搖撞騙據其口無不可爲之事入其手無
一能返之錢有等不肖生童妄異夤緣悞投
羅網及至金盡而術不靈又畏事發株連吞
聲隱忍莫敢誰何

朝廷校士之典竟爲神奸射利之場思之不勝髮
指除密差巡捕員役嚴緝外合行曉諭爲此
示仰該府屬士民人等知悉如有前項奸棍

潛住地方招搖撞騙許卽協同里甲人等擒
解本道衙門審實首人給賞銀 兩奸棍立
斃杖下斷不輕縱各宜歛跡毋以身命爲試
特示

爲嚴清頂名代考諸弊以拔真才事照得江
省人文之藪應童子試者大邑聞至二千餘
名絃誦不可謂不盛矣乃三年科歲府州縣
學入泮額止三四十名或十餘名二十餘名
不等其間豈無抱璞遺珠之嘆本道方恨不
能盡其網羅况可以收贗鼎而妨佳士乎乃
有一等閔不畏死之徒慣以代考射利北方
號爲把勢南方名爲長鎗徼倖得售輒便居

奇在真才限於取額而望斷費門在本道念切憐才而竟同逝水深可痛恨除嚴令識認舉首外合行嚴禁爲此示仰闔屬生童知悉本道所取童生務令於覆試日卷面親填年貌籍貫查對府縣冊結并傳集廩保識認如有覆試不到及年貌不對者卽係代考審實廩生黜革代考棍徒依律究擬决不輕貸各保身命毋致噬臍特示

爲嚴飭事照得三年歲試係士子黜陟大典朝廷特設學臣校閱慎選郎官加之

勅諭重其委任嚴其考核無非造就人才至意欲士子知所勸懲固非爲苜蓿寒齋特開一利之竇而使學臣爲之奔走而奉令承教也卽如生員告病必須按臨半年前開報告老者必須按臨半月前開報條例開載甚明至於遊學乙項條例明開凡告假者該學開具

事由地方呈提調官轉詳批允放行不得悞
歲考違者黜是該學果有遊學生員當先有
前道批允案卷而本道未經按臨之前又應
早已催回候考斷無臨場始申報遊學之理
此尤彰明較著者也乃積習相沿流弊已極
臨場紛紛具申視爲固然尤可駭者同一遊
學也先後申詳同一告頂也呈詳互異或遲
或早示之以我得操之權具結具文挾之以

無可駁之勢蓋奸胥豁壑未盈則以學道之
嚴厲爲詞而坐索高價及其金錢入手則又
以學政之合例爲請而曲繪真情寃之

天子之命臣止供學胥之傀儡大胆橫行殊堪髮
指合行嚴飭爲此仰府官吏照牌事理卽便
通行各該學教官知悉所申遊學告頂告病
諸弊本道業已洞然除批允者姑准依限補
考如違照例降黜外其未按臨之府速將見

西江學政
在遊學患病諸生於按臨半月前類冊具結
申詳以憑查奪其年老告頂者查無違例據
呈類冊具結開報敢有仍前臨場代申及將
不合例告頂生員混申求頂前屆未奉考生
員混申遊學患病或報冊先後雜亂者定嚴
提該學學書重責枷示教官記過決不輕貸
須牌

爲曉諭事照得學道一官例皆三年報政日
月如馳有同傳舍居是職者卽欲稍爲振興
回念隙駒易過習俗難移耳目一新必遭駭
謗未有不廢然中止者所以因循隱忍就文
言文甲乙丹黃僅了故事士子喜於鑒拔奉
爲信貨歲月相沿流而不返嗟乎何地無才
皆由司教者憚於更張以致悞我多士耳寃
其受病之源可爲拊几一嘆本道恭繹

西江學政
勅諭有云近來士習未復文事未彰是我

皇上深以文事未彰爲念也又云士風丕變斯稱厥職是我

皇上深以士風未變爲慮也倘或仍前泄泄從事濫加圈點以悞諸生不惟下無以鼓舞俊髦尤懼上無以仰酬

君父所以於月課一項不敢目爲套頭必痛加刪抹逐卷批閱不徇考案不採聲名間拔一二

以示準的昔宋初文章仍五季餘習學者務摘裂聲偶號爲時文以相誇尚歐陽公知嘉祐二年貢舉毅然以復古自任於是曾子固蘇氏兄弟悉登上第而一時知名士若劉幾輩黜落殆盡放榜後士論洶洶然文體自是卒復於古而誦歐陽者至今不衰今本道於諸生深願其文章復古爲蘇爲曾不願其沿習時調爲劉幾輩也故懇懇懃懃詳告諸生

受病之處爾諸生若欲爲成弘以前文字須
取文定待艾選友竹居明文選讀之若欲爲
啓禎間文字須取甲癸集讀之至於一切油
腔滑調盡載天益樓發凡之前言之欲嘔諸
生宜各書一通置之座右痛加洗刷方有見
才之處若屢訓不悛取其甚者定置劣等此
本道造就人才一片苦心若欲苟且因循則
濫加圈點取悅諸生亦本道所能何苦多煩

筆舌諸生試自思之毋負本道作養至意

諭諸生知悉大凡作文之法一題到手須將
書理細心體會一番先明章旨再看本面本
面有正有反有虛有實有旁見側出有字句
雖多而絕無關係有一言半辭而實爲通節
通章之主腦者講求既定然後能得題神能
合書理然所謂得書理題神者非描頭畫角
惡套也必須神遊題外意在筆先使自出性
靈以與聖賢相發明乃爲有用文字論至此

卽一線尚走不得何況膚語滿紙乎至於遣詞取調無論油滑之習斷當洗淨若將浼焉卽古人之文爲人用爛者萬萬不可涉筆況乎時賢尤宜急避蓋天地間凡物舍故就新豈於文字獨不然乎若夫矯枉過正而爲一等詰屈聱牙非經非子之文者此不過自文其陋譬猶施朱粉於無鹽其狀可想願我諸生無出乎此西江人文之藪使者近閱諸文

頗有才智銷亡性靈汨沒之懼故特表而出之以告多士勉之勉之毋負吾望

爲禁約事照得西江校士錄皆本道親定發
刊務期挽回風氣使士子知所典型具有造
就苦心不同泛然故套其中字句稍涉油腔
滑調者不錄抄襲名文時稿者不錄填寫本
道所刊諸卷成語隻字者不錄必自見手眼
之文方與遊揚傳播寧嚴毋濫固非拔置前
茅者斷應付之梨棗也卽如本道月課內所
拔多人止刊三首可以例推今發案在卽誠

恐諸生將試卷妄行傳寫刊刻誤人觀聽爲
害非細合行禁約爲此示仰府屬應考生童
知悉凡賞拔試卷各宜靜候本道嚴加評閱
次第刊行斷不徇情濫及若欲廁名其內務
須發憤讀書日新月異毋論轉盼錄科定當
刮目而三年月課皆錐處囊中之日正恐不
免耳如有不候本道發稿妄行刊刻者一有
訪聞比濫刻憲課例從重究治坊賈選家敢
有將非係本道頒行文字私自傳寫選刻者
嚴拿重處决不輕貸特示

爲曉諭事照得本道奉

命衡文謬操月旦意在造就人才挽回風氣所試
諸生文字俱已虛公評閱殿最後先反覆再
四選文最嚴取才甚恕字句之佳必爲遴拔
雖不敢自謂冰鑑之精亦諒不棄蘇合之丸
而取蜨蛭之轉也今發案在即除優等生員
俟示期獎賞外其劣等生員例應發落姑念
行文偶有一日之短旣已奉法黜辱其名更

何忍必衆辱之使無所施其面目乎爲此示
諭府屬應考諸生知悉考居劣等各生倘有
評閱不當心未允服者執卷面稟其餘俱免
發落許卽歸家用心讀書本道並無成見果
文筆不同錄科時自然優拔古今來曾考劣
等而成大名取大魁者指不勝屈各宜勉之
母墮厥志特示

爲嚴拏報棍以恤窮儒事照得士子寒窓攻
苦奮志一經毫不許干預戶外止有黃蘗淡
飯布被瓦器草屋繩床殘書秃筆是其儒素
家風此外更無長物迨至歲科兩試拮据資
糧尚在支吾愁嘆幸而考居前列方得稍伸
窮愁寥落之氣乃有一等惡棍三五成羣串
通府中蠹書故將正案延挨不發抄寫名次
等第陸則簪馬飛馳水則揚帆駕漿假以報

喜爲名詐索酒食逼迫錢財一不遂意詬辱
交加桌椅立碎甚至窮鄉僻壤禍及隣居白
屋編氓有同抄洗此等舉動較之強盜何異
嗟此貧士一日之知竟奪八口一年之食至
有典質告貸負累無窮者本道每一思之不
勝髮指合行嚴禁爲此示仰撫屬士民人等
知悉本道所優拔生童多係單寒之士敢有
惡棍假稱報喜名色三五成羣下縣下鄉勒

索酒食錢財者許該里鄉約保甲不論人之
多寡一併協力擒送所在有司鎖押解赴本
道衙門俱照奸棍

新例處決不姑貸特示

爲曉諭事照得江西人士兵火之後學問荒
疎且沿習從來油腔惡調使少年子弟僅以
掇拾成文千篇一律萬口雷同絕無書卷之
氣甚爲痛惜今閱歲試之作與月課稍異頗
有轉移之機深恐諸生試事一完便又束書
高閣海濶天空鳶飛魚躍不思轉盼秋闈臨
渴掘井必將無及本道愛才念切旣叨一日
之知尤望早登王路爲此仰該屬各學諸生

知悉凡遇本道考居優等者月課不到定行
戒飭其五名前諸生于月課之外另發窓課
題目按限送學呈繳敢有逾期不解嚴提該
路門斗責懲文義進退別有賞罰通學諸生
有志上進願作文呈覽者許一併送學彙解
各宜凜遵毋負本道造就之念特示

爲申飭士習事照得士爲四民之首必須端
方有品卓然有所不爲方不同於負販本道
於條約曉諭諄諄訓飭檄如雨下不啻三令
五申矣乃訓飭愈嚴違背愈甚昨按臨建郡
例有行香放告之舉初謂不過寥寥數紙而
男婦填門喧呼擁塞所收詞狀一百二十有
奇不覺爲之色變至披閱之下戶婚田土賍
款累累奸盜詐僞無一不備噫雖江省刁民

526337
D.7 129

健訟善於駕捏然此一百二十餘張之中豈
字字皆無根之詞也同在衣冠當爲愧死除
摘其尤重者批發查審其餘細事俱令赴有
司告理外合行嚴飭爲此示仰建屬六學生
員知悉嗣後各宜砥礪廉隅早完官課閉戶
讀書不許干預戶外一事務須父兄訓其子
弟師友戒其同堂常凜執玉之操時切懷刑
之懼期爲當世羽儀以作中流砥柱本道前
頒同庠公舉之法並宜努力遵行以爲膠庠
生色示後敢仍怙過不悛一經發覺盡法處
治在本道勢出無可如何在爾等亦當自愛
無怨勉旃自愛特示

示各學師生知悉凡生員一應禮儀務要整
齊嚴肅方與庶民有別學政條例開載甚明
目今四方蕩平

聖天子加意右文凡事與民更始以見維新本道
奉

命視學止知實心任事無論巨細俱不憚煩各屬
諒有聞見昨於下學講書之日見各學諸生
語句諠譁班行攙越夫以明倫堂上宗師按

臨毫無規紀如此則他處放肆可知各學教官漫無約束不知所司何事今考試已竣優劣生員例應發落是日候本道三鼓開門之後衆教官各帶學書一名手持照牌一面遵依憲綱次序兩傍擺立牌上大書某學生員于此排班然後傳各生照依考案前後挨次而進認牌照案序立不得後先攙越該教官唱呼一等一名某人該生出班領卷一本該

縣經承卽付花紅一付該生仍歸原班看卷一學散完該教官總收一學卷數呈繳然後再唱一學各學俱已唱完仍照考案次序排班行禮畢鼓樂導引一等居前二等次之三等又次之俱由中門而出然後照例發落劣等此舉雖係虛文亦是儒家體面本道諄諄戒諭不過遇事不肯因循之意如敢仍前誼譁錯亂者生員立行懲飭學書門斗重寃該

教官以不職論

論賞拔諸生知悉本道于諸生有一日之知
所以望諸生甚厚諸生從此宜益自奮勵發
憤讀書務爲有本之學他日驤首王路澤被
斯民使世知爲本道所拔士亦與有榮焉其
或因循怠忽德業不修不特自甘淪落亦良
負本道此一番苦心矣恐傳語告戒諸生班
次稍後者耳不得聞故約法三章令諸生寓
目焉其銘之心膺毋忽

一諸生務宜敦崇孝弟謹言慎行此身一敗
萬事瓦裂不可不知

一諸生宜閉戶讀書勿干外事一罹法網虧
體辱親不可不戒

一諸生各有承先啟後之責宜奮志于學以
赴功名徃日少年忽成老翁不可不勉

爲曉諭事照得文章原本經術發抒性靈故
人之才識品行洞然可見其有等雷同勦襲
文字乃寡廉鮮恥之徒所爲本道業已申飭
再三諒諸生亦斷未肯出此至本道所取之
文諸生定已傳寫要之於彼則爲家珍於我
究屬無與譬之入市門者百貨並陳可玩而
不可有也昨在撫郡凡有生童勦襲名稿時
文及本道優拔文字片言隻字者俱擯不錄

諸生試思自六經而後左國騷賦秦漢八家
惟其代不相沿所以出一頭地若但規規摹
倣即使刻畫極肖早已遜彼一籌况其下焉
者乎彼亦人耳諸生宜各努力勿以記誦口
耳之學自悞發案卽知毋致後悔特示

爲嚴飭早完官課以善保功名事照得士子
閉戶窮經必期首明大義正供一項上係

朝廷國課下關守令考成未完一分卽有一分之
叅罰

令甲甚嚴不容延緩諸生旣已食土之毛試思
安有無田之賦便當早爲籌畫如期輸納使
追呼剝啄無從及焉方爲良士本道開諭已
經數四乃訪得江省逋糧子衿最多而廣昌

西江學政
尤甚深可駭怪推原其中情理豈盡出於抗
玩或亦有實係貧寒難於措辦者然獨不思
糧稅斷難久逋黜革自有定例平居可以言
情而官守止當論法堂堂邑宰豈能以一已
之功名

朝廷之正賦置之度外聽人之抗糧不納曰彼貧
士也而一任其遷延歲月乎其於究竟一着
諸生亦當預料此時入泮甚難開復亦非容

易倘以片紙申詳求瓦全而不得矣爲此示
仰該縣文武生員知悉嗣後糧稅務須依期
辦納不許延捱拖欠雖係貧儒亦當預爲措
辦早完官課自敦士品毋負本道及該縣作
養至意其有力能輸納故意抗延及包攬搪
比者該縣具文詳報到日立行褫革提究本
道愛士最切亦愛其謹守繩墨者耳若夫抗
糧誤課三尺具在斷不能爲之寬也慎之特

示

為嚴究冒籍之確實阻試之才風以挽惡俗
以進人才事照得冒籍一項
功令屢經申飭律例甚嚴本道下車之初即牌
行各屬嚴諭澄清蓋以本道奉
勅而來止司考校其童生名字俱係縣取送府府
取送道烟戶丁糧守令知之最悉按本塞源
自當責之府縣冒籍與否本道固不得而知
也由此言之攻冒籍者當攻於縣案初發之

為嚴究冒籍之確實阻試之才風以挽惡俗
以進人才事照得冒籍一項

功令屢經申飭律例甚嚴本道下車之初即牌
行各屬嚴諭澄清蓋以本道奉

勅

而來止司考校其童生名字俱係縣取送府府

取送道烟戶丁糧守令知之最悉按本塞源

自當責之府縣冒籍與否本道固不得而知

也由此言之攻冒籍者當攻於縣案初發之

後卽或一時失察亦當攻於府案繼發之時
至於府取有名冊經送道揆之情理豈攻冒
籍時乎乃瀘溪諸生童於本道考試之日哄
然一堂彼云異籍此云阻試衆口嘈雜互相
訐訴雖本道亦茫然莫辨如其冒籍果真也
則府縣官所司何事視

功令若具文以憲牌爲弁髦自干失察之咎以
爲口舌之階諒所不爲如以爲非冒籍也則

此喧填聚訟者何爲而至學道之庭反覆思
之殊所不解但本道訪得江省惡俗子矜橫
行於庠序有等劣生每遇考試勒索諸童錢
物稍不如意其相擯棄藉口冒籍人不敢保
單寒負販之子不許讀書考試必令其改業
淪落而後已此等舉動不知所據何律奉何
明文不勝髮指現據贛州府申詳具稿揭請
督撫兩憲題叅從重治罪以革刁風外合行發

審爲此仰建昌府官吏照牌事理立將後開人犯嚴審果否冒籍是否阻抑情弊該府縣因何失察以致生童試日聚闕本道之前生童爲何干違禁約不預行攻擊而必於試日聚闕擾亂文場逐一研訊確實分別是非按律招擬限日連人一并解報定奪毋得遲延徇庇致干未便

爲查修學宮以隆文治事據該府報稱府學聖殿初遭焚燼片瓦無存鼎新建造工已告成復被風雨傾倒誠屬異變正在酌議捐貲重建各紳士俱云府學基址原係古佛寺場屢見灾異宜擇地而遷等情申報到道據此查得該府府學爲五邑儒學之首

聖殿兩經燬折迄今未建本道按臨謁廟目擊榛蕪甚非所以妥

神靈鼓士氣也今據稱各紳士所云此地舊係佛
寺應爲遷建恭照

先師孔子至聖之德與天地參生平素位而行

廟貌定不擇地無論琳宮梵宇舊址自應隨處
而安不以爲褻也至兩經燬折亦屬偶然前
此雷震適值其地後之傾倒工料未堅不必
疑爲異變坐需時日爲此仰建昌府官吏照
票事理卽行南城縣及府學教官會同各紳

士從公酌議再行審方面勢估定物料工價
卜吉建立學宮

聖殿務須踴躍趨事毋得因循怠緩本道亦捐俸
共勦盛舉速速具文詳
道批奪毋違

爲禁止迎送以肅官箴事照得本道忝秉文
衡時切素餐之懼夙興夜寐惟冀挽回風氣
振拔孤寒以期上不負朝廷下不負多士茲按試數府殫心考校幸而真
才輩出寒峻畢登然亦不過盡其職之所當
爲勅非有所厚禪于搢紳先生父老子弟也
乃迎送者絡繹不絕甚至諸生有烹茶掃徑
道旁者雖其情誼肫摯本道顧此頗爲慚懼

朝廷

下不負多士茲按試數府殫心考校幸而真

才輩出寒峻畢登然亦不過盡其職之所當
爲勅非有所厚禪于搢紳先生父老子弟也
乃迎送者絡繹不絕甚至諸生有烹茶掃徑
道旁者雖其情誼肫摯本道顧此頗爲慚懼

西江學政
伏讀

欽頒學政內一條學道出巡如遇紆途曲巷預先
屏人蓋以嫌疑之際關防倍宜嚴密雖紳士
用意良厚而君子愛人以德煌煌

功令所應共爲凜遵况本道原不足以當此乎合
行禁止爲此示仰闔屬人等知悉本道不日
按臨該郡所屬官吏師生及一切儀從悉照
舊例毋得出郭其闔屬紳袍一概不勞迎送
并不得差人接遞揭帖各宜引嫌則本道愧
荷良多矣特示

爲特免挨貢陪考以恤貧儒事照得每歲貢
士

朝廷以此寓作養人才至意憐其白首窮經俾令
得沾微祿末路功名言之矜惻條例雖有陪
考之說然究以食糧淺深爲序此不易之定
理也近見各屬正陪諸生大抵年老血衰觸
暑奔馳甚爲不忍况江省連年兵燹繼以灾
荒滿目榛蕪瘡痍未起加以崇山峻嶺長江

巨川不但貧士拮据貲糧呻吟愁嘆卽風波
寒暑一人遠出舉室懸懸情理必至在正貢
功名爲重無可如何至於一陪次陪虛此兩
番跋涉當亦甚以爲苦者也爲此仰府官吏
照牌事理卽便通行所屬各學凡應貢生員
照例依限批給本生赴考外其克正陪次陪
生員止取姓名年貌籍貫同批報道概免陪
試以省勞費雖向後奉使者未知同心與否

而本道任內斷以此爲定例如果正貢文理
荒謬不堪候本道牌行駁回另送該教官仍
須確查食糧年月淺深資次明開有無停降
扣算明白敢有濛混申送希圖倖進者立提
學書門斗處苑教官揭叅本生黜革不貸須
牌

爲申飭文體事照得西江文體敗壞已極油
腔惡調累牘連篇畫角描頭如出一轍窺其
旨趣父師惟欲速效於子弟故其未得之也
異悅俗眼於一朝及其既得之也求保青衿
而不失於是轉相倣效帳中之秘不過八面
鋒一冊而已再更數年人才幾何不日趨於
銷亡乎本道下車之始亟思挽回風氣考試
撫郡所拔崇仁案首劉芳遠頗能不爲膚語

爲申飭文體事照得西江文體敗壞已極油
腔惡調累牘連篇畫角描頭如出一轍窺其
旨趣父師惟欲速效於子弟故其未得之也
異悅俗眼於一朝及其既得之也求保青衿
而不失於是轉相倣效帳中之秘不過八面
鋒一冊而已再更數年人才幾何不日趨於
銷亡乎本道下車之始亟思挽回風氣考試
撫郡所拔崇仁案首劉芳遠頗能不爲膚語

西江學政
卽優以禮儀加之拂拭燕昭郭隗之臺蓋有
爲也永叔東坡之選豈徒然哉迨其叙述家
門知爲該學之子私心自喜以爲課子如此
課士可知此一邑者當不患其隨波逐流也
乃前覽所送月課文字大失所望豈該學聞
於過庭之訓而賸於絳帳之傳耶不然則是
苟且塞耳目位素餐而已繩之

功令其又奚辭焉合行申飭爲此牌仰該教官

知悉嗣後勤督諸生研窮六經史漢左國八
家性理資治諸書務爲有本之學其作文痛
洗油滑之習不得更留隻字將本道所優拔
諸卷嚴令程式論其各抒性靈仍不許勦襲
片語此邑文體專於該教官委任責成果能
盡變從前惡習定與獎薦若猶因循怠忽本
道按試在卽優等減半劣等加倍教官輕則
記過重則揭叅决不徇恕勉之慎之

查修學官事照得本道受事之初卽念江省
兵燹之後學宮傾燬必多通行查報酌量捐
俸次第修葺其南昌府學省會之地尤係觀
瞻本道目擊學前基地湫隘卽委該府將本
道前發貯府庫銀兩買地展拓其有不敷取
具印信文契申報依價捐俸補給未據詳覆
今奉

本都院憲檄捐俸興修正士氣得伸之日仰

西江學政
該府速將學前基地房屋照時估定價值一
面申報本道領取銀兩交易一面取具印契
繳道此事本道發之於始理應成之於終自
當竭力獨任該府仍將本道先經捐俸購買
學前基地房屋獨任緣由驗報
撫憲可也速速

爲人才不擇地而生理義可研窮而得勸諭
諸生奮發讀書作文以雪深耻事照得本道
視學此邦義兼師傅合屬十三郡原同一體
昨自攬轡出都卽有與本道言廣信七邑並
無人文者本道不覺勃然詈之怪其浮薄蓋
以十室之邑必有忠信何地無才豈可輕量
天下士耶乃昨校試士子一百九十有奇雖
未窺全豹而風味頗覺不同幾幾乎自悔前

日所言之太驟而人言之未必無因也夫自古聖賢豪傑文人才士發跡之區豈皆通都大邑其出於窮鄉僻壤深山幽谷者不一而足特以耻不如人故能奮發有爲功名成遂由此言之大道具在人心六經昭垂天壤尋味鑽研親師取友何患不進同具心胸而甘居人下竊爲七邑諸生醜之本道若非愛諸生至深則轉盼三年不知誰何至此默默而

去未爲不可何苦多此豐干饒舌也爲此仰闔屬生童知悉與試者務期各盡所長以塞人口若技果止此則哀鴻已集耕鑿漸安各宜歸家潛心力學以爲通郡山川生色濂洛關閩各以人著廬陵南豐各以文著彼亦人也勉之勉之

爲縣給事照得學田租穀例係資給諸生膏
火贏餘報

部克餉乃查信郡各縣學租原屬無幾

部文屢駁全徵各屬堅稱荒塞合算所完不
能及舊額之半雖本道亦且無如何也今查
賑諸生貧不能自存者乃至一百六十有奇
熟田既少貧生自多必然之理若以見在錙
銖均給豈不大失諸生所望爲此示仰闔屬

貧生知悉各屬所解學田租穀爲數寥寥今
次賑給本道量捐薄俸稍佐涓埃愧不能厚
各屬倘亦體本道此意而毋以石田爲辭可
乎特示

爲

君命當尊憲體宜肅申明官守以重學政事照得

紀綱法度

朝廷之典章學校事宜

國家之經制一命之榮誰非臣子

天威咫尺孰敢抗違本道奉

勅視學寒暑不避星夜奔馳上懼干違

部限下恐久滯生童連場迅考發案甚速無非

肅將

君命凡府州縣提調官及教授教諭訓導等員自應將考場等項及一應批冊齊備探聽牌到先期調集生童聽候考試此定例也乃本道按臨撫建廣三府止據建昌府批冊依期投遞所以本道半月之內考試便已告竣師生人役並無守候之勞甚爲踴躍其按臨則該府童生尚不考試本道掩門坐待延至

四十餘日今校試廣信雖府正奉調會造

覲冊公出此外官吏跂足高臥以致生童遙遙不至窺其微意不過謂學道並非專轄之官賢否不出此公之口以故恣意怠玩視若贅疣殊不知本道所奉者煌煌

天語一應學政事宜職掌俱載

欽頒條約違悞考試非抗違本道乃抗違

勅諭也王人雖微序於諸侯之上春秋之義獨不

聞乎合行嚴飭爲此仰府官吏照牌事理卽
便通行所屬凡遇本道按臨該府巡視學校
紙牌到日星速傳集生童聽候考試其考場
一應事宜文批冊籍印卷依期投遞如仍前
抗玩致本道閉門靜坐虛糜廩給生童曠日
持久多費資斧此等怠玩在各提調官視之
於已毫無關切而於本道一年之內歲考報
完之

部限有碍考成雖學道向無揭叅之例該提
調亦無處分之條本道斷不能腆顏於此褻
慢

勅諭甘愛解冊違限之咎除一面申報

督撫兩院外竟將遲悞緣由揭報

部聽候定奪此迫於勢之無可如何非本道
故爲多事也

爲諮訪利弊以期興革以盡撫綏事奉

巡撫都察院右副都御史佟

憲行前事除卽轉行各屬逐一明開利弊確
議興革務須實在可行徑詳

本都院外爲照本道職司學校士習澆淳是
其官守竊見江右往者爲文章理學之區鵝
湖鹿洞則宋儒道學之宗也歐陽曾王則後
世文章之範也章陳羅艾則海內制藝之雄

西江學正
也數百年以來事事出人頭地

本朝定鼎之後安堵未幾復遭兵燹丁男困於轉輸老弱疲於奔竄哀此窮黎逃死不暇教化之不行文章之廢隆固其宜也今幸海內乂安

聖天子加意右文又蒙

憲臺惕焉以士習爲念正此邦剝極而復之會本道受事之日雖淺早已畧見一斑於文

字之剿襲膚詞知力學之儒尤少於宗族互相訐告知孝弟之行日衰滔滔之勢去古彌遠若欲力挽頽波似非旦夕可效謹抒一得以備芻蕘倘蒙

憲臺不鄙其迂賜之採擇更加啟誨以發愚蒙則不特本道感沐甄陶此邦之風俗人心翕然丕變自此以後其

憲恩之栽培者當與天壤並垂不朽矣爲此

今備前由并條陳六事書冊見在伏乞

照詳施行

一曰立教官賞罰之法以收實效

朝廷設官分職各有攸司顧名思義自知責任教職一官其秩至微所關至大學設明倫之堂官有教授等號原使之宣揚教化闡明禮義專以教督士子爲事者也自教官之品日卑日賤居是職者大率日暮途窮陞

遷難望於是其賢者不過坐擁寒氈玩日愒月不肖者惟知較量錙銖需索束脯相習成風其來已久間有化誨生徒鈴束士子者百不得一二也如此又安望士習之淳乎今若以各學士子所犯之多寡重輕定各學教官之賢否殿最果有教化興行士知廉恥詞訟並無訐告府縣並無申詳經明行修著有成效者特與保題則舉一

而勸百行之數年澆漓之習必當漸返此
在

憲臺畧加鼓舞便可挽回世運不揣迂陋伏
候

憲裁

一日增憲課考試之題以消武斷 人之一
身大約不能兼營讀書之日若多非僻之
事自少各屬諸生名爲三年兩考獨歲試

不敢不到其錄科時止童生志圖上進有
榮無辱仍踴躍赴試生員多有自甘廢棄
者是則捱過歲試一日之短長遂有放曠
三年之歲月畧無拘束何所不爲往例學
道有月課之題亦不過每月兩篇應者寥
寥僅了故事卽學道亦視爲煩苦不復嚴
加批抹今本道於月課之外每學另發憲
課題三十個令該教官傳諭諸生作文自

備竹紙試卷呈送教官評閱然後按季解
道分別賞罰一以核士子學業之進退一
以視教官識力之淺深逾期不到即將學
書該路提究此法一行則士子讀書作文
不暇雖欲出入衙門包攬詞訟而無此暇
日潛消默奪德業交修似亦一策非敢鋪
張治具因

憲問所及據實披陳不揣迂陋伏候

憲裁

一曰設儒耑自運之區以杜飛累 生員丁
役例有優免

國家止令完糧不令當役蓋使之安心讀書不
與戶外也所以江浙等省例有儒耑之設
各縣專有數耑額裝見在與考生員田畝
惟據學冊姓名不許改易詭冒照例免其
雜差止完本戶銀米謂之落甲自運其有

拖欠延捱本縣據冊摘名責令該路門斗
協催無不依期輸納所以儒自爲儒民自
爲民不相干涉在生員旣無因人拖累之
虞在百姓亦無劣矜欺凌之害誠爲兩便
今江省不然每見里民訐告有云奪克里
役懇乞判還則是生員與百姓雜處一畝
而以里役爲利也府縣申詳又有云伊甲
欠糧懇乞禡革則是生員爲縣官催糧皂
快而使挑僵李代也紛紛案牘十居五六
士習何由而淳合無懇請

憲臺通行各屬照江浙之例別立儒畝使儒
與民判然爲二令其自完銀米免值差徭
則不但與條約相符而良善無林木池魚
之累豪強無飛洒科歛之奸庶得安心肄
業士民兩利矣不揣迂陋伏候

憲裁

西江學政
一曰嚴同庠同里公舉以勵廉隅 古人月
旦卽是鄉評蓋人之善惡間里之間知之
必真惟其不相關切所以彼此漠然本道
特立同庠同里公舉之法令各學教官造
具生員住址清冊嚴諭諸生同里者以德
行文章互相砥礪善則相勉過則相規端
人敗類據實公舉分別獎黜所犯微過檄
令同里生員勸諭其有元惡大憝把持武

斷豪強學霸聽同里生員核實具呈量情
輕重究革如徇隱不舉事發之日同里生
員並行該學戒飭此法力行或可救得一
半非敢鋪張治具因

憲問所及據實披陳不揣迂陋伏候

憲裁

一曰禁捏款誣告刁風以安良善 刁頑健
訟所在多有而江省爲最片言不合動輒

典詞雕眦小怨即便砌款本道披閱舊卷
新詞捏款誣告者指不勝屈甚至有恨索
兩許之通竟砌累累之款歷控

院司道府縣各衙門牽累至數十人而曾無
片字真實者亦有污讎閭門妄玷清白者
又有告人之夫而狀中以其妻爲証者亦
有伯叔兄弟互相訐控者風俗至此可爲
寒心又有一等刁民平日以小嫌微隙種

毒於中探知生員臨場臨考捏砌款狀抱
牌攀輿希冀官府一准使彼緣事不得進
取及至審係子虛問官不過援引杖贖輕
條坐以不應泛語大抵姑息從事所以此
輩得售其奸訟棍得逞其技良善不獲安
枕人亦何所勸而不爲惡也合無懇請

憲臺申明粘款之禁嚴檄有司痛治誣告加
等之罪將見士習民風去薄從厚自翕然

不變矣不揣迂陋伏候

憲裁

一日舉社學課讀之規以興絃誦 學政條約內載社學卽古家塾黨庠遺意養蒙育德所關不小近日多荒劣老生不識字義無分句讀入門一差終身難改提調官當加意作興每鄉置社學一區等語此誠

聖朝養育人才至意江右人文至今日衰庸已極

滑調庸詞千人一律自遭兵燹而後村落之際幾於絃誦無聲社學之設誠爲急務本道受事之始卽先行南新二縣清查社學基址力圖修復訪得江省竹木之費尙爲易舉米薪之價亦頗不昂三間七架之屋三十金可辦其中可容生徒三十餘人通計社師廩給束脯歲不過二十餘金可以專心教督在昔育嬰之費繁重難爲尙

且衆擎易舉合無懇請

憲臺檄令各屬先行清查基址以一縣所捐之俸建一縣所設之學其有力微難任者佐以司道府之捐助何難立辦而况推廣言之遙祠梵宇盡可作誦讀之場贖鍰罰金自足爲餼廩之費然後慎選良師善商程限有治人無治法此較之他事猶爲稍易是在

憲臺嚴檄守令卽日奉行窮民子弟之受

憲恩者計十三郡不知幾許人也不揣迂陋

伏候

憲裁

卷三

出思音特市三聯不聯

全盤對定今用本示

爲闡明墨裁闢式之說直窮諸生受病之源
以正文體事照得西江文體敗壞已極此非
本道一人私言鄉先生宦遊京邸者定有見
聞本道職在衡文安得不以挽回風氣爲任
故凡所以告諸生作文之法丁寧反覆不厭
加詳宜乎改絃易轍矣乃昨按試饒郡徧閱
八學之文空疎油滑如出一手其佳者僅工
聲調貌類文形切實按之其中無有就試千

人豈無一才智傑出之士推求其故必有以
闢式墨裁四字誤我諸生者本道試破其妄
而諸生敬聽焉夫所謂闢式者卽真草不許
相連點畫不許錯寫及七夫七蓋七同等類
磨勵士子令其小心謹慎爲將來之大器原
非以空疎油滑爲式也至于墨裁則以應制
之文彷彿臣子對君之體務須昌明博大不
得爲險澁怪僻及干犯忌諱等語又豈有

576387
202 39

部頒明文科場條例令其隨題敷衍掇拾皮
毛不關痛癢以爲墨裁乎其爲誕妄不辯可
知何諸生之昧昧也若其流弊尤屬可駭畧
舉數端以供一笑士志于道題必于闢講下
頻呼士字有云天地所賴以參贊者此士也
聖賢所賴以紹述者此士也前之統賴以繼
而後之統賴以開者此士也三年學題必于
開講下頻呼學字云天地所賴以參贊者此

學聖賢所賴以紹述者此學前之統賴以繼而後之統賴以開者亦此學如此等類難以枚舉想作者此時功名之念已忘惟求苟且了事振筆直書頗有一瀉千里之樂而不知閱者至此不爲拊掌必爲頓足也且人之爲文譬如人面然今試立千人于此而觀其面貌其可愛者必其美好者也其可敬者必其端莊者也其可畏者必其雄邁者也其可驚

可愕者必其怪異者也其可惡可厭唾而去之惟恐不速者必其臭穢潰爛者也其不足動心駭目人皆掉臂不顧者必其平平無奇者也美好之人萬選萬中端莊雄邁怪異之人不同于平常之貌雖未能人人取悅一遇知己賞拔必深其或平平無奇以及臭穢潰爛之人諸生試自思之亦能愛而收之否場中閱文大抵如是操此平平無奇之面貌以

與十三郡之人角勝吾知其必無倖矣諸生
發落後歸家用心讀書作文思吾此言必當
有進轉盼錄科勉之望之慎毋因循自悞負
本道忠告至意特示

爲嚴拿撞騙招搖奸棍以信規條事照得本
道奉

命督學念江西承兵荒之後士氣頹靡故一意以
振興文教爲任竽牘夤緣預行嚴禁無敢犯
者歷考四府情形具在士民耳目其奸棍招
搖撞騙業已屢檄遠避乃今按臨該府日久
法弛差員密訪聞有愍不畏死之徒輒敢白
日橫行公然撞歲希圖鑽刺殊爲切齒想本

道受事以後事事從寬奸棍窺見及此以爲
事發之日亦必從輕發落不至墮命故敢縱
肆無忌不知本道家世三韓頗能執法爾奸
棍等試思本道不愛錢不避怨又安肯以自
已之聲名并供爾等之汚玷也除密差員後
四面躡拿外爲此示仰奸棍知悉各宜星夜
歛跡如厰居人世怙惡不悛本道一經拿獲
定行立斃杖下此時欲求見父母妻子而不

可得恐悔無及矣思之思之特示

爲嚴飭事照得本道按試西江取士虛公立
心寬恕半載以來頗竊諸生之譽但向聞江
西風俗刁頑而九江爲甚本道初不信之昨
考校之期諸生語笑喧嘩毫無規矩且有離
席越號破壁壞窻者種種無禮甚爲可惡各
生試思鈴束秀才孰有尊于宗師者規矩嚴
肅孰有過于考場者乃上有宗師之尊嚴兼
以考場之條約尚且縱恣如此則其他處放

西江學政
肆不問可知本道念爾等兵荒之後急欲稍
申士氣閱歷五府不忍朴責一生今爾等既
不自愛則五伯具在荆條現存耶請試之但
恐此端一發不可復收將來貽害別郡士子
不能終本道愛惜之意必皆致恨于潯陽諸
生亦得毋腆顏于此乎爲此示仰應試文武
生員知悉嗣後試日務須恪守規矩謹遵條
約如仍前放肆敢有一事抗違先以竹板從

事再行黜革此亦諸生自取之也特示

此其所以爲學也

爲申飭士習事照得士人耳目口鼻本不異
齊民其所以囂囂自命者以此方寸之間知
禮義守法度也故達則可以有爲窮亦可以
有守聖賢明訓胡不聞焉爾江右理學名區
潯陽又濂溪先生之所托足師淑有人前規
未遠諸生自應廉隅謹飭無玷儒修學聖學
賢誰敢不敬乃本道訪得不肖子矜三五成
羣把持武斷相習成風深可駭怪無論守令

素根此等生員必不聽其簧鼓即使匍匐公庭再三哀籲勉從所請而此膝一屈明日不可復伸先靈有知必爲涕泣今鄉里愚氓尚有終身不受拘喚不見官府者豈士人耳目口鼻不異齊民而偏此一雙無耻之膝造物賦形獨生于秀才身上故如此不拘而來可以不跪而必欲置之跪乎夫人必自侮而後人侮之言念及此本道甚爲痛心爲此示仰

闔屬生員知悉速宜痛改前非深自愛重以爲吾儒生色並不許呼朋結隊輕入公門敢有怙過不悛辱我衣冠者業經三令五申斷不能再事姑息特示

不備其後及後示
其故故不致誤其後
其故故不致誤其後
其故故不致誤其後
其故故不致誤其後

爲特立同庠公舉之法等事照得本道受事
之初卽見江右兵燹之後士習澆漓特立同
庠公舉之法檄令該府嚴行各學去後杳然
無聞誠恐各屬視爲故事合行申飭力行爲
此仰府官吏照牌事理卽便通行所屬教官
各將見在與考文武生員同里同甲者逐一
分別都圖上填姓名下填現在住址各造具
清冊一樣二本限文到 日內繳道如敢遲

遑并填註不實卽提學書門斗重責枷號仍
令該學出示曉諭諸生以法在必行毋自貽
累各以文章德行互相勗勉可也

示諭樂安縣學具呈通學文武生員知悉本
道下車以來無日不嚴飭諸生閉戶讀書毋
預外事不啻唇焦頰脫乃諸生不遠數百里
而來私念考試之後又復經時必且文行更
進或以近藝見投商確踴躍無量不意發紙
視之赫然一公呈也遠涉江湖良爲勞苦夫
官評賢否上有當事之耳目下有搢紳之公
論此外則細民無知之輩反可以公是公非

西江學政
臺
行之至于士子恂恂自好惟當研究詩書留心絃誦深自避匿若處子然未聞事不干已可以隨聲附和也豈前日督撫兩臺以及

藩臬道府之門少此一二青衿預名呈內便不足以壯觀乎嗟夫事後爲防患之謀不如事前爲持重之計諸生但知飄空架陷之可憂而不知明窻淨几之可樂也吾實耻之恨

之速歸肄業月課窻藝不佳定行摘名責究不貸特示

本館錄宋
之教使能
民精意
不若
武行
蘇
各
貴
公

爲曉諭事照得本道按臨該府考試甚速其
告頂各生業據各呈批查有無違碍續准該
學詳覆其案深合例者卽刻批行准給並無
留滯爲此示仰准給衣頂生員知悉卽日聽
令回家杜門終老不必守候以致多費仍不
許以青衿詐害鄉里一有訪聞加等治罪其
或有未經批給之前仍有與試者等第優劣
皆不可定暗中摸索何從辨焉卽或名掛末

等仍許給頂以終餘年斷不誤加黜革不得
受人撞騙特示

爲查修學宮事照得學宮奉祀

先聖理宜歲時修葺洒掃焚香以崇廟貌本道久
已通行嚴飭此自良有司事也乃訪得湖口
縣學宮

聖殿頽壞兩廡傾毀無存官斯土者於心何忍目
今兵燹之後十室九空勢難盡責生儒捐助
今據該學師生呈詳有歷年優免銀八十餘
兩現係該房存貯通邑耳目昭然若以此先

爲工料之資便可集事爲此仰湖口縣官吏
卽便確查所稱優免的係何項無碍銀兩現
係何人掌管速行清出買脩磚瓦木值擇吉
起工毋令奸胥巧爲乾沒此外再行鼓舞樂
輸共勦盛舉仍卽將起工日期報查毋得遲
違致干未便

爲獎勵事照得諸生所呈秋季憲課文字較
前甚有進步數月以來鑽研之味可知本道
雖在校試極冗之際已爲點次甲乙其生員
某某等能自發憤作文立志尤爲可喜但器
以琢磨而成學必講求而得親師取友彼此
叅觀最易悟入該教官須傳諸生于明倫堂
齊集散給原卷仍令彼此互閱方許領回于
本道按臨南昌日仍繳爲學之道譬如登山

但恐不識徑路致恨舉足無從耳今已探得
別有洞天自宜登峯造極方可俯視一切半
途而廢終屬無成此時如船行急水灘頭不
上則下湏發猛下篙更自退轉不得也諸生
各有父兄必以吾言爲是發來冬季窓課題
三十個該學務督諸生童各出手眼盡心洗
發春仲送道評閱毋得故違特示

爲曉諭事照得禮義所以防君子而刑罰所
以治小人考試士子爲養育人才之地及唱
名搜檢時乃至裸衣脫帽有類倖囚豈所忍
見但不肖子矜懷挾傳遁醜態萬狀且有彙
集百篇總爲一束携入試場者本道卽以此
卷繫之此生枷上立行究革無不人人快心
其他片紙隻字俱爲搜獲並無倖漏竊嘆此
輩之愚何至自苦若是

功令之嚴誠不爲過然目今天氣嚴寒南土文人
每多脆弱兼以五更風露稍冒寒威必嬰疾
病甚或致性命之憂抱終身之痼者豈可不
曲相體恤乎爲此示仰應試生童知悉試日
搜檢止令解衣不必脫襪其有因而作弊懷
挾者瞭望人役偵伺甚密萬不能逃拿出立
行枷號加等責寃不但性命難保而以本道
寬厚長者之心行作奸犯科之事恐亦不齒

於人類矣慎之特示

示諭南昌奉新兩學不到生員知悉歲試違
點定例除名但今日奉新違點生員竟至五
十餘人是何後期者之多也本道念江省兵
荒之後凡事欲與休息若使執法不回恐其
中或有貲斧艱難者或亦有因本道考試迅
速未及周知者一竝奪其衣衿幾何不令官
牆短氣至於南昌違點生員雖係無幾然以
同日考試自難彼此異同姑開一面俱准予

西江學政
次日至該教官處報名揭呈示期補考慎毋
再悞其次場他學諸生示期已久不得以此
爲例特示

爲申嚴奔競之禁以端士習事照得本道自
考試撫建以來巡歷六府反躬內省不敢謂
無忝厥職亦頗能自盡其心蓋以校士一席
係

國家育才之門士子登庸之路固不容以漸滅
良心沉淪佳士况

督撫兩憲下車以來加意學宮優崇儒素此正
諸生奮興之會本道謬竊文衡敢不愈加詳

慎故凡竿牘營私者一有訪聞立行黜寃前
事具存可攷而知也無如江省神奸慣以考
試居奇或指稱關節或妄捏干求說騙招搖
伎倆百出省會之地五方雜處必爲羣奸所
聚誠恐有等不肖生童被其煽誘并羅法網
在此輩原堪驅而納諸罟獲陷阱之中在本
道終不忍見其赤子匍匐入井之態合行申
飭爲此示仰闔屬應試生童知悉除前項場

誘棍徒本道現在設法密差員役四布嚴拿
緝獲得實立行處死爾等務須靜聽考試敢
有妄冀奔走夤緣干求請托等項以致受人
撞騙者本道業已再三曉諭一經敗露照律
問遣决不輕縱慎之毋忽特示

爲勸諭寒士盡心作文以圖進取事照得童
子一試爲士人進身之始一入黌宮便分士
庶在白屋驚崛起之有人在故家亦幸書香
之不絕一得一失所關非細尤與秀才歲考
優等偶然之榮辱不同本道家世三韓僥倖
太早白首青燈之苦雖未身歷其境然每一
念及孤寒未嘗不惻然動心區區此懷考校
六府以來自有天日之鑒察並難揜士民之

耳目也爾諸童當此寒威砭骨拮据資斧衝風冒雪而來有曾經數試而未遇者亦有曾經十數試而未遇者想其父母兄弟誰不引領而望但昨據該府批送各縣童生多者至七八百名少亦三五百名不等額數所登有限豈能盡入網羅若不刻意爲文安能令閱者刮目爲此示仰闔屬應試童生知悉本道雖念切憐才而取士自有定額人多數窄試

日務須整刷精神盡洗陳言遠避時蹊方可入彀若但彼此數語不能出人頭地則是諸童以有用之貲糧費之無用之地而來此僅了故事也功名得失固自有命然不盡其心亦何顏以對父母兄弟耶各宜努力毋得自悞至于本道之矢公矢慎與否發案自見不必多贅特示

爲嚴清代考之弊以拔真才事照得西江十
三郡原係人文之藪但數十年來兵荒相繼
未有息肩所以士子不能潛心讀書文風因
以不振本道自下車以來諄諄告誡啟誨勉
勵已非一日茲考試南昌通閣八州邑生童
文字生員筆致雖已稍稍不同究竟繫心榮
辱未盡所長其童生試卷清奇平淡各有可
觀美不勝收爲之浩嘆且南新豐進諸童中

西江學政
皓首蒼髯者指不勝屈想其誦讀之勤寒蟄
脫粟雪案螢窻不知幾歷歲時幾經辛苦乃
令其望入泮如登天盼青衿如衣錦何以勸
人勤學耶誰無子弟誰無父兄稍有人心自
應動念當此士氣沮喪之日本道若不亟爲
鼓舞一意澄清天地鬼神必加譴責所以請
托營求概行謝絕誓秉虛公拔我寒士方恨
額數所限不能盡其網羅乃訪得有等棍徒

挾其揣摩之技慣以代考爲生幸而入彀轉
售富家此等神奸不過貪得鎔銖不知有一
卷之假冒卽妨一卷之真才阻抑孤寒排黜
才俊致令不遇之人吞聲飲泣殊堪切齒合
行嚴核爲此示仰八州邑應試童生知悉本
道閱卷已竟除秀雅溫潤穩稱諸作僅堪錄
取不能前列者靜候發案覆試其諸卷中有
取徑稍異落想不同字句矯健筆力橫肆以

及摹倣先輩設色新穎用意輕圓者卽日先
取覆試方定冠軍諸童湏各記明坐號自脩
試卷依限赴考試畢卽于卷面親填年貌籍
貫以脩查對其有字蹟不同籍貫年甲不對
并覆試不到者卽係代考神棍立行嚴拿斃
之杖下以洩諸童之憤至于本道愛才心切
不暇瞻徇情面未免有顧此失彼之病無所
逃罪然直道在人想亦賢人君子之所不怒
也諸童勉之毋負此意特示

示後開八州縣取准童生知悉江西兵燹頻
仍困苦已極孤寒士子讀書之興索然若再
令其上進無階何以鼓舞人才振拔淹滯本
道每一念之輒爲痛心所以矢諸天日務秉
虛公幸爾等文筆俱有可觀不負本道選拔
苦心今除取准平穩諸卷不必更行覆試靜
候發案外其在流輩中負傑出之姿者恐文
有一日短長令行覆試以定前茅諸童須各

認明坐號自脩試卷于次日赴道覆試毋得
違悞特示

爲闡明捐納之部文以清庠序以勵人才事
照得學校所以儲才文章所以華國泮水黌
門豈藏垢納污之所我

皇上神聖天縱于詩書墳典博覽無遺加意右文
薄海所知前因軍興旁午暫以

前任江南督院條陳准行捐納生員之例雖
有關於兵餉而

睿慮所及仍是憐才本道恭繹

部議有云俊秀無論學問深淺不定額數俱令捐銀准作監生鄉試童生俱係選取有學問之人考取爲生員其額外所遺童生內欲取限于定數若不取棄之可惜應不定數情願捐銀一百兩者准爲生員一體收學庶有才者可無遺失之嘆且有濟于兵餉情愿捐納者一概俱送考試續經九卿詹事科道會議奉

旨依議是知我皇上因每縣額進二三四名爲數太少恐致真才淪落所以准令權宜變通原未許曳白塗鴉目不識丁之輩不由學臣考試竟入宮牆也乃本道考校六府以來暗中摸索所定四五六等係捐納者大抵十之八九閱其文捧腹噴飯真堪絕倒甚有竟日不成一字者及至案發則又攀輿具控有云賣盡田園者有云

負貸未償者有云父母年老拮据爲之聞此
信必死者滿路呼號公求提等且干求情面
預爲營救不知

功令所在誰敢變更本道每一念及未嘗不爲嘆
息而哀其愚之至極而無以復加也當其鵲
頂藍衫之日豈不料有三年之歲考乎此皆
由農夫野老不知筆墨爲何物而有一等喪
心師長冀謝師之阿堵譽牧豎爲奇才彼昏

不知遂墮其術中而不悟耳不知江省兵荒
相繼凋弊可憐田荒則八口啼饑田熟則穀
賤不售此等情形可爲流涕計其辛苦所積
豈易得此百金而甘爲不通子弟棄之一擲
而又玷我膠庠耶有此膏火之資何不奮志
讀書以求上進本道愛才頗切如進賢童生
楊殿元等筆力矯拔限于額數卽代爲捐納
一榜發出豈肯令諸童坐失事機但目今四

方蕩平我

皇上勵精圖治本道忝主斯文不得不首清庠序以勵人才深爲不通童生惜之耳今查南昌捐納諸童有係府縣揭報者有係各衙門移送竟不與考者在各衙門無非獎進人才之意但

功令有俱送學道考試之條合行示考爲此示仰闔屬捐納童生知悉卽日俱赴提調官衙門

報名備卷聽候一體考試取錄雖係急公實與正案取准者無異既可有濟軍需又不辱我庠序其有抗違不到者則

部文並無學道不必考試竟行入泮之例特示

爲條約申明在前歲考按臨最後嚴諭生童
挽回風氣以收實效事照得江省考試舊例
學使者蒞任首先按部筠陽夫及湖西嶺北
問其何以相沿如此則以瑞吉二字名美之
故此雖齊東野語然亦無傷大體不必定爲
改途易轍也但本道前在禮曹時磨勘各省
聞卷深以江右文體爲憂今適官此土亟思
所以變之故首刊論文次行條約嚴批月課

寬立限期期以半年之外學不加進痛行懲
創又念郡邑之大小懸殊人才之多少自異
撫建於瑞臨幅員差廣必有奇才異能之士
不爲臭爛時文汨沒者網羅賞拔以樹風聲
或亦一助是以馬首遂東而昭武盱江之間
英俊鵲起所刊西江校士錄內諸子是已迨
廣信饒南雖亦鐵中錚錚者間有而頗不副
本道之望潯陽優於三郡而劣於撫建獨至

南昌則較月課時迥然不同童生文字尤爲
競爽爭妍其文具在可閱而知今按試瑞臨
袁州三府其於廣信饒南風味相似但屈指
試期則在頒行條約半年之後所以廣信饒
南概免劣等朴責而臨瑞各郡毅然行之情
理使然非有所厚薄於其間而自相冰炭也
爾吉安爲湖西大郡歐陽公之文章文信國
之忠義炳若日星皆產茲土前明亦有狀元

西江學政
多吉水朝內半江西之謠乃數十年來奄奄不振豈山川之靈秀有異昔日耶良由人事之未善耳本道今將校士錄每學預發一部數日之間便臨該府所望於爾生童者甚厚爾生童考試最遲學必加進務須刻意爲文以求賞識必膚詞滑謫掃盡無餘方爲刮目若故態復萌不遵化誨則是生童有負本道並非本道不愛生童也優等量取數名劣等

必當加倍其童生入泮亦遵寧嚴毋濫之條例不妨缺額斷不以

朝廷名器妄授白丁作護身符也思之母忽特示

爲再勸諸童盡心作文事照得吉郡文名久
著天下本道案臨茲土方擬刮目相待以故
連場命題皆各有意蓋在不善屬文者意中
必苦其難而一入文人之手正其所最易見
長者乃通閱諸生試卷不過敷衍塞責於題
旨不能發明萬一甚者荒劣背謬全不成文
兼之衆口雷同如入荒瘠斥鹵之地彌望皆
白葦黃茅殊乖本道所望且本道自下車以

西江學政
來頒發論文條約刊行校士錄課士錄諸書
既已多方導訓何意諸生猶復固陋至此豈
諸生沉溺既久自以爲是本道雖三令五申
而諸生頑然不聞不知悍然不見率從也以
千百年文人之藪一旦乃爾沉溺誠可嘆息
本道惟前日期望之深故於今日尤悼惜之
至目下諸生既已竣事就其中文筆稍異者
不過數人另期覆試外其餘靜聽發案而諸

童將繼諸生就試恐其仍襲陋轍不能奮力
以追作者合行曉諭爲此示仰吉郡合屬童
生知悉爾等其各抒所學大肆厥詞無貽前
賢之羞無爲四方所笑以副本道從前期望
至意特諭

主敬恭而善其言者則其文必超然獨抒
以是皆合於理而無所不周也

示諭應考童生知悉凡作文字必超然獨抒
已見自出新意方能於稠人廣衆中放出一
頭地若但敷衍雷同焉能令人刮目昌黎公
有言百物朝夕所見者人皆不注視也及覩
其異者則共觀而言之諸生豈未之知耶乃
今閱廬陵童生試卷千有餘人中字意相同
者居其八九且如暮春者一段題目可云絕
雅作者猥用俗筆寫之春蒐春省春朝等語

滿紙令人欲嘔不止况所貴乎讀古者爲能
學其法度得其神理以見之吾文豈抄寫必
讀古文上幾篇文字便可謂之讀古乎如此
則天下讀古者不勝其多矣蘭亭序赤壁賦
三仄童子皆能讀之至如春夜宴桃李園序
昔人言其識見甚淺其文本不必讀何苦人
人抄寫之吉安文名素著天下乃今廬陵文
字尚困陋至此他邑又何望乎本道深恐人

材日益衰壞特此曉諭次場應考童生宜各
奮志努力以圖進取毋徒雷同勦說致貽前
賢之羞而使觀風者有秦無人之嘆特諭

諭吉屬各學師生知悉照得冒籍一項

功令嚴禁本道下車之始卽已牌行府縣昨于
按臨之日又以告示彰明竝諭諸生早爲攻
擊不許臨時聚鬪乃訪得江省地方風俗澆
漓人情偷薄徧處皆然吉贛尤甚慣指冒籍
爲名以此詐害白屋遇有細民子弟有志讀
書上進者群衿嚇詐勒索謝金稍不遂意卽
日冒籍今有取中廬陵童生曾士龍者本道

憑文閱取暗中摸索其原文發閱青天白日
在上竝不敢有苟且不肖于其間爾等遇考
諸生試各反之於心以前日所居等第驗之
然耶否也廬陵諸生今日哄然一堂衆口嘈
雜指曾士龍爲冒籍此固從學校起見理所
宜然乃廩生歐陽齊前日保者何意今日攻
者何心廩生王夢賚不攻於前日點名之際
者何意而攻于今日取中之後者又何心諸

生雖以小人之心度君子而本道不忍以君
子之心度小人然而二生之肺腑不問而可
知矣本道念爾省兵燹之後亟欲少伸士氣
故考校十府以來不曾朴責一生心實不忍
非力不能也俗云宗師不能治秀才尚有何
人治之乎本應提究姑從寬免曾士龍旣非
廬陵籍應改入府學歸正安福原籍其府學
第三名劉弘謨撥入廬陵學可也兩該學教

西江學正
官一並遵行

爲文章自有定評揣摩諒獲成效再申告誠
以拔真才事照得虔州爲南越咽喉統屬十
二邑風稱大郡戶口丁糧不下省會文章風
氣似可相當乃年來科第寥寥不滿人意前
覽月課之文恐亦不盡主司之過也本道風
聞其弊約有兩端蓋贛州接壤南海地僻民
殷各屬所詳情形大抵奢豪相尚美食鮮衣
居家已坐安飽暖閉戶又安事詩書展卷神

昏對之思睡卽或發憤延師下帷攻苦者率
皆春半入學九秋告止不知上元以後臘月
以前蒼天虛生此百餘日何用可爲發一大
噓此士子不學之咎也至於考校之時又以
地處脂膏人非巢許賢者期遠嫌疑苟且了
事不肖者是非顛倒動以賄聞令我士子黑
白混淆無所取法此使者不教之咎也二弊
相沿斯文淪喪不教不學何以起衰今本道

按試西江爾郡最後旣已聞見在人豈肯初
終易節爾生童學與不學本道固不得而知
若本道之教則先之條約申以論文隨病針
砭因事化導告示牌檄風雨不停試藝選文
次第刊發頒之正鵠已非一日茲旬日之間
便臨該府爾生童務須各呈才技以候品題
臭爛時文不得纖毫涉筆其或文字不佳必
嚴爲懲創生員劣等必多童生入泮缺額恪

遵條例寧嚴毋濫本道斷不畏避嫌疑而苟
且了事吳隱之酌貪泉詩有云試使夸齊飲
終當不易心顧人之自命何如耳天日可鑒
發案自知生童宜各努力勿致噬臍貽悔特
示

爲學闕無窮歲時有限勸諭士子努力讀書
以勵儒修以革惡習事照得讀書之法載在
禮經春夏于戈秋冬羽籥又云秋學禮執禮
者諱之冬讀書典書者詔之一歲之中畧無
暇日所以古人雪案螢窗焚膏繼晷以至愛
惜分陰不爓不扇如此勤勞方有成就固非
可望優游而坐致也昨聞會昌縣風俗率皆
九秋散館甚爲可怪夫三冬足用三尺之童

皆知會昌一邑豈其別具肺腸相沿爲例必
自有由但本道再四推求其故而不可得以
爲出于師長之意則不特誤人子弟陰干天
譴而以一年之束脯減爲三季之修金還家
自食未見其利如以爲出于父兄之意則延
師課誦本欲望子弟之有成旣已供給三時
何難再膳數月况一暴十寒斷無長養每見
少年孩童遨遊嬉戲其所誦習必盡遺忘畧

有悟頭又復昏昧是因惜此三冬小費而荒
一歲工夫終身事業并付之東流逝水矣其
爲失筭不辨自知如此蚩愚豈不傳笑誠恐
此等習尚不獨會昌一邑爲然合行曉諭嚴
禁爲此示仰贛屬士民人等知悉凡父兄師
長督課子弟者並宜上元入館臘月放假痛
改前習俾得潛心力學不致廢業失時各該
教官仍舊加開諭務變惡俗如或仍踵故轍

本道一有訪聞摘提該生童父師責懲示衆
豈本道愛爾等子弟諄諄化誨爾等反不自
愛其子弟乎猛省毋忽特示

爲冒籍之

功令宜嚴阻試之刁風可駭永行禁革以廣人
才事照得天下郡縣畫疆分界各有版圖五
方風土異宜秀頑殊性若不隨地取材必將
偏重不均小邑遐荒仕進無路廢棄詩書不
知禮義爲害滋大所以

部例設爲冒籍之禁法至善也本道前下車
時念考試先由府縣丁糧各有專司使者按

臨止憑提調官批冊而已何從辨其是否冒籍按本塞源必自守令卽嚴檄各屬加意澄清取具遵依在案并諭生童早爲攻擊敢有臨場聚闕立行拿究是此番自應斷無冒籍矣乃風聞贛郡惡俗慣以冒籍爲名借端詐害遇有農工商賈負販細民子弟有志讀書上進者便行勒詐稍不遂意卽指斥爲冒籍結黨聚攻不遺餘力及至入泮之後羣吟謠

許勒索謝金貯于學內明分名曰公堂之費他若修學贄禮等名色尙多似此壟斷學宮橫行無忌單寒之子不至改業不止疊據府縣呈詳合之本道訪察不勝痛恨方今四海蕩平

皇上誕敷文德殊方異域莫不向化不意密邇嶺表有此魍魎土風若不速爲革除則日復一日讀書者必少聲名文物之鄉將盡變爲樵

髻擾棚之子豈不可憐可惜昔文翁治蜀了
翁治眉竝皆使人知向學教化興行本道雖
不敢方駕前人亦必欲除此惡習合行嚴禁
爲此示仰賴儒教官士子等知悉速宜痛改
前非自新悔過如有前項等弊一經發覺或
本道訪聞輕則褫革間擬重則揭報題叅務
在力挽頽流斷不決防去塞一任爾輩滔滔
不返也慎之特示

爲講明倫理勸敦孝弟事照得贛州府寧都
縣彭弘仁兄弟之互相訐告也首尾已經五
年狀詞不下百紙骨肉相殘推刃同氣味其
呈內所控不至殺之不止良心漸滅至此而
極何意天壤之間有此異變推原致禍之由
總由阿堵爲祟至今日而遺子黃金滿籬不
如一經之言益驗矣哀哉其父彭中涵辛苦
一生銖積寸累不知費幾許經營幾許心血

本欲遺之子孫坐享安飽而乃金帛田園適
爲厲梗財歸胥役之囊醜播膠庠之內反不
如貧士寒門饔飧不給兄弟雍和者鬼而有
知必爲痛哭應自悔從前作家之太勞而花
晨月夕之虛度親戚友朋之少周濟問遺也
兒孫自有兒孫福莫與兒孫作遠憂之語又
益驗矣其間構訟始末口碑卷案頗明榮仁
可以毆弘仁而純仁亦可以毆榮仁均之弟

也等而上之揆文卽可以毆伯父語云上有
好者下必有甚焉者矣此之謂也弘仁旣可
以訐告榮仁而榮仁又何難以訐告純仁均
之兄也大學云一家仁一國興仁一家讓一國
興讓此之謂也大抵家庭之間當以恩勝若
論是非曲直必致爭鬭參商本道平居常謂
君子處人倫之變者有十六字之苦當逆來
而順受之旣不言情又不論理不可鬭勢不

得開交蓋以兄弟非如陌路人彼雖可以攻
我不可以戰也自愧閱歷不深未知此語當
否曾記昔人詩云同氣連枝各自榮些些言
語莫傷情一回相見一回老能得幾時爲弟
兄此猶高人達士之語未可以感動下愚至
眼前生子又兄弟番與兒孫作樣看惟此二
語最爲切實弘仁等設身處地假令各生三
子艱苦一世所積分遺領受亦如今日之景

况構訟不休費產蕩盡流爲乞丐試一反而
思之願乎不願乎願三子之中有一能讓能
忍者乎抑謂必當終訟以爭曲直寧毀敗家
業而不顧乎清夜捫心斷爲墮淚九世同居
羣犬共食不過曰忍字百餘勿聽婦人言而
已忝列子矜何不聞焉本道昨于明倫堂傳
訊非不能盡法窮治但恐忿怒之下或致杖
斃一人則其弟兄同在庭鞠者當爲之白衣

冠而服替服乎抑唾而去之市酒相賀乎且
其致死之人之子將遂以伯叔爲仇讐而枕
戈待旦不與其天下乎此又復讐議之所未
及也是以姑爲隱忍善言勸化令其悔過自
新猶可卒爲善士尚書所載弟弗念天顯乃
弗克恭厥兄兄亦不念鞠子哀大不友于弟
只此一段是其斷案此外紛紛皆可不論若
此後不悛則本道專司風化俱照劣行叢提

究治且以惡人之門四字之扁專役顏於其
間以代旌表爾諸生其有稍類此者各宜猛
省深以爲戒特示

爲科考事照得校士一切科條歲考屢經頒
示凡茲執事員役逮夫應考生童但當悉照
遵行豈煩再加播告惟是本道抵官一載歲
試適周馬走時勤舟行殆遍每衝寒而冒暑
遂夜寐以宿興內甚慚衡論之未精外頗獲
輿人之謬誦未識何以致茲于往者敢不因
而加勉于將來願作事雖以謀始爲要圖而
恒情乃惟鮮終爲大患揆之素志實非敢安

蓋此邦當士子湛于俗學之時而使者承
國家嚴選學臣之日遽膺茲任自惟何能苟非
果令文教之聿修何以恭讀

勅書而罔愧然士習之沉酣既久固非朝夕可
以盡移而學子之陷溺實深又豈口舌所能
猝勝多其條教敢曰憚勞磨以歲時俟其自
得假令迄今全無轉移之路尙當深自刻責
勉期後効之收何況目下已具變遷之機安

忍忽自改圖頓喪從前之守故諸生但願共
存九仞及泉之思在使者豈甘自蹈一簣虧
功之戒義不可默情見于茲至諸生將群入
舉場凡涉筆宜凜遵部例倘其悞或同毫髮
斯所關已等丘山別將科場條例頒示各府
諸生一體遵行特示

爲科考事照得本道考試規條前于歲考各
屆屢經頒示其應考生童及內外員役仍行
照舊遵守無煩再加宣告不得錯違自干罪
戾至于科試尤與歲考不同本道忝膺

簡命必期矢慎矢公豈肯始終易節務欲遴選真
才以應賓興大典爾生童亦須掃除一切請
托盡心作文並棘闈諸式平日預加檢點方
不至臨期有悞本道實心任事不厭其煩特

將科場違式諸條並江省陋習逐一先爲告
戒恐爾等窮鄉僻壤遠近新舊諸生未有見
聞故爾布示

一經書文字俱照新題定例不許過六百五
十字違者俱不收錄

一文體關乎氣運須有光明俊偉之氣都下
公卿已知江西風氣一變將來中式者必
與本道優取者相同如仍涉油滑空疎抄

襲雷同者不錄

一凡曳白越幅汚卷等項前歲試時諸生童
犯者甚多今科試有犯此者生員必不錄
科童生文義雖佳必不收錄

一條例內結句無焉哉乎也等煞語跡涉可
疑並皆貼出今江省文內結語多有不用
此斷斷不可所謂古勁亦不在此

一文內錯寫一字或多寫一字應將錯寫之

西江學政
字正面點去傍註一字多寫之字止于正面點去昨歲試諸生文內將多寫之字並不點去字傍反作卜字形此皆由邸抄中得來非闢式也或有錯寫一字應更換者並不點去本字仍傍註一字兩字並列聽閱者自擇尤爲可笑凡此等類大場必貼一今有犯者不錄

一凡寫長題格式第一行照常比文字低二

字次行則又低一字其餘行俱照次行一樣昨歲試生童中有寫長題次行與首行平者且有次行低首行一字而三行又低次行一字者更有寫完文字一篇空一行始寫第二題者又有寫完草稿一篇中間空寸許始寫第二草者種種不合式之處難以枚舉本道一槩包荒今有犯者生員必置劣等童生文義雖佳不錄

一文內疊用兩字如賢賢親親等樣並湏實
寫不得將第二字點點昨諸生犯者甚多
大場必貼今有違者不錄

一惟字爲字字義迥別昨歲試爾等多將惟
字寫作爲字爲字寫作惟字此雖由土音
相同所致然文義則大謬矣又而字音近
兒如字音近儒古人雖或通用然在時文
中萬萬不可歲試竟有通用者今或犯此

一槩不錄

一科場條例塗抹不得至百字如有錯寫一
二行不及百字者不妨逐字點去但不得
直筆一抹耳至于刮補尤其不可昨諸生
童犯者頗衆今有犯者一槩不錄

一二三場俱不得過千字題目字句不得錯
落真稿篇數不得短少如破題七也七矣
七焉承題七夫七蓋七甚矣七乎七歟起

講七意謂七若曰七以爲七且夫場中宜
避各件新進諸童從未觀場者父兄師長
湏預爲講解勿得忽畧

一後場字體俱有定式如論判表題字畫俱
照號紙抄寫不得信意表中伏以臣等誠
惶誠恐稽首頓首上言竊惟茲蓋伏遇踴
躍懽忭激切屏營稱賀稱謝以聞字樣俱
照洪武正韻書寫違者大場必貼

一三場策題第一問第二問第三問第四問
第五問一二三四五字俱不可大寫並不
得全寫策題昨校試武生童時竟有大寫
一二等字並全寫所出策題者今恐爾生
童亦有犯者故一並明示至于場中宜避
諱應擡頭字樣不能盡指凡諸生中爲父
兄師長父于場屋熟知條例者俱當預戒
其子弟素勉其同堂各府諸生一體遵行

勿負本道諄諄誥誠一片苦心幸甚幸甚
至于猶有未盡事宜隨時再爲宣告特示